

Bag siopa newydd am ddim!




Tudalen 5

Cadwyn arall o gyfrinachau



Tudalen 10

Cyfle i ennill llyfrau



Tudalen 15

Chwaraeon i bawb



Tîm Teifi Girls yn ennill Twrnament Pêl-droed Aberaeron o dan 14 oed: Natalie Harding, Cara Jones, Sioned Douglas (Capten), Caryl Thomas, Lisa Stevens, Sian Elin Williams, Sophie Jones, Lauren James a Mel Morris.



Tîm Pêl-droed Ysgol Ffynnonbedr wedi eu llwyddiant i ennill Tarian yr Urdd, Rhanbarth Ceredigion. Byddant yn mynd ymlaen i gynrychioli Ceredigion yng nghystadlaethau Cymru. Hefyd yn y llun mae eu hathrawes Nia Davies, ond mae un o'r tîm -Haf Burrill - yn absennol.



Tîm Pêl-droed bechgyn Llanbedr Pont Steffan o dan 13 oed yn ennill Cwpan Cyngrhair De Ceredigion yn erbyn Aberaeron yn y rownd derfynol gyda'i hyfforddwr Paul Edwards.



Tîm rygbi o dan 10 oed Llambod gyda'r hyfforddwr Arwyn Jones ac Emyr Jones wedi iddynt gipio medal arian am ddod yn ail mewn cystadleuaeth a drefnwyd yn y clwb rygbi yn ddiweddar.



Tudalen 11

Darllenwch am deithiau tramor

Tudalen 12



0 geiniog i geiniog...



Elw gwerthiant llyfr 'Cymeriadau Bro': £250 i Apêl Bro'r Dderi, £250 i Apêl Llanwenog, £500 i Apêl Llambod Urdd 2010 a £500 i Eisteddfod Llambod.



Lynda Jones Banc Barclays yn cyflwyno sic fel rhan o gynllun punt am bunt i ddisgyblion Ysgol Gynradd Cwrtnewydd.



Cyn ddiffoddwyr tân yn cyflwyno sic am £500 sef elw'r nosweithiau bingo i Feddygfa Bryn Meddyg, Llanybydder. Yn y llu mae Phillys Smith; Gerwyn Jones; John Smith; Dr Stephen Rowlands ac Eric Williams.



Denzil Evans yn cyflwyno sic am £437.50 er cof am ei briod Eirian, i Nyrsys Cymunedol Llambod am eu gofal yn ystod gwaelled Eirian. Dymuna Denzil a Ffion ddiolch i bawb am eu cefnogaeth a'u cyfraniadau.

Pwy yw pwy?

Beth yw beth?

Golygydd:

Mehefin Marian Morgan, Glasfan, Drefach 480490
Gorffennaf Dylan Lewis, Tŷ Cerrig, Cwmann 422349
e-bost: golygydd@clonc.co.uk

Tîm Golygyddol: Eifion ac Yvonne Davies, Elaine Davies,
Rhian Jones, Dylan Lewis a Marian Morgan

Dylunydd: Dylan Lewis, Tŷ Cerrig, Cwmann 422349
Swyddog Dosbarthu Eifion Davies, Afallon, Drefach 480590
e-bost: bedwyr@btopenworld.com
Teipyddion Nia Davies, Maesglas 480015
Joy Lake, Llambled

Gohebwy'r Lleol:

Cellan Meinir Evans, Rhydfechan 421359
Cwmann Gwyneth Morgan, Llety'r Dderwen 422922
Cwmsychbant Mary Davies, Maesglas, Drefach 480015
Llanwenog/Drefach Mary Davies neu Eifion Davies
Ffaldybrenin/Ffarmers Elfyn Davies, Troed y bryn, Ffarmers 01558 650507
Gorsgoch Eiddwen Hatcher, Tafarn Cefnhafod 434238
Llambled Janet Evans, Haulfryn 422856
Llanfair Dan ac Aerwen Griffiths, Pengarn 493407
Llangybi a Betws Mair Spate, Tŷ Capel Maesyffynnon 493325
Llanllwni Dewi Davies, Glanafon 480218
Llanwnnen Meinir Ebbsworth, Brynamlwg 480453
Llanybydder Menna Jones, Ceginau Lifestyle 480257
Pencarreg Linda Thomas, Dolgwm Uchaf 422270

Bwrdd Busnes:

Cadeirydd Dylan Lewis, Tŷ Cerrig, Cwmann 422349
e-bost: cadeirydd@clonc.co.uk
Is-Gadeirydd Marian Morgan, Glasfan, Drefach 480490
Ysgrifenyddes Mary Davies, Maesglas, Drefach 480015
Trysorydd Nia Davies, Maesglas, Drefach 480015
e-bost: ysgrifennydd@clonc.co.uk

Ceidwad y Camera Janet Evans, Haulfryn, Llambled 422856
Ffotograffydd Tim Jones, Llainwen 422644
Argraffwyr Gwasg Aeron, Aberaeron 01545 570573

Gwerthfawrogi gwaith pob gwirfoddolwr a sicrhodd ymddangosiad y rhifyn hwn o Clonc. Os hoffai eraill ymuno â'r tîm, cysylltwch ag aelod o'r bwrdd busnes. Mae cyfraniad pob un yn bwysig.

- Dyma gyfeiriad gwefan newydd Clonc: www.clonc.co.uk os am fwy o wybodaeth.
- Sicrhewch newyddion eich ardal chi yn Clonc. Peidiwch â meddwl y bydd rhywun arall yn gwneud. Mae'n rhy hwyr i feio neb os nad yw rhywbeth yn ymddangos yn CLONC.
- Ewch â'ch newyddion at eich gohebydd lleol.
- Gellir gadael newyddion tu ôl y cownter yn siop bapurau Caxton Hall, Llambled.
- Gellir e-bostio newyddion at y golygydd yn syth: golygydd@clonc.co.uk
- E-bostiwch eich eitemau ar gyfer y dyddiadur i ysgrifennydd@clonc.co.uk
- Mae croeso i chi ddefnyddio eich camera eich hun. Defnyddiwn luniau o gamera cyffredin lliw, a du a gwyn. Ni fyddwn yn dychwelyd lluniau os na fyddwch wedi gwneud cais am hyn ar gefn y llun.
- Croesawn luniau digidol ar CD, cofbin USB, ac e-bost i cadeirydd@clonc.co.uk.
- Gofynnwn am dâl o £5.00 am roi "Diolch" yn y papur.
- Gellir tanysgrifio i Clonc am £12 yn unig y flwyddyn.
- Nid yw'r golygydd o reidrwdd yn cytuno ag unrhyw farn yn y papur hwn.

Siprys

Gwastraff. Yn ddiweddar tynnwyd ein sylw at faint y gwastraff bywyd sy'n digwydd. Yn naturiol fe fydd bron i bob un yn taflu rhywbeth neu gilydd. Y duedd yw prynu gormod – pwy sy'n mynd ag un pecyn o orennau pryd y cynnigir un arall am ddim i ni? Pam na fedrwn ni gael un yn rhatach yn lle'r ail am ddim? Faint ohonoch chi sy'n mynd drwy'r oergell ac yn taflu popeth sydd wedi cyrraedd y 'sell by date', - nid yw hyn yn golygu nad yw'n addas i'w fwyta. Beth oedd ein cyneidiau yn eu wneud cyn oes y stampio ar bopeth? Ychydig flynyddoedd yn ôl daethpwyd o hyd i dun o gig ar ôl taith Scott i'r Antarctic – roedd yn berffaith i'w fwyta. Mae angen defnyddio synnwyr cyffredin serch hynny.

Heddiw yn para 24 awr. Mae'r arfer o wneud 'cwinten' (dyma'r gair ddefnyddiwn i am yr addurniadau ro'i'r ddimuno'n dda i'r pâr yn priodi) i gyfarch pobl ar ben blwydd arbennig yn boblogaidd. Cofiwch fel y cuddiodd rhywun yr arwyddbost i Lanbed yn ddiweddar, a char yn stopio a holi i'r cerddwr am leoliad y dre. Cofiwch hefyd fod 'heddiw' yn golygu 'heddiw' ac nid yfory. Byddwch yn ddigon bonheddig i dynnu'r cyfan i lawr yn syth ar ôl y dathlu.

Brain yn peri problem. Ffermwyr yn achwyn fod defaid ac ŵyn yn cael eu niweidio gan adar yn chwilio am fwyd. Tybed a ydy'r rheolau fod yn rhaid mynd ag anifeiliaid marw yn syth o'r caeau yn amddifadu yr adar o bryd o fwyd? Cwestiwn dyrys arall

i fi ydy, sut bod ffermwyr yn cael eu gwahardd rhag claddu anifeiliaid marw ar dir y fferm, ond pe buasai'r ffermwr yn marw fe ellir cael caniatâd i'w gladdu ar dir y fferm! Mae bywyd yn ddryrys onid yw! Claddu yn broblem hefyd!!

Cymorth Cristnogol. Mae'r wythnos wedi mynd heibio eleni eto a gobeithio fod pob un ohonoch wedi cael cyfle i gyfrannu. Bu'r ddwy drychineb yn ddiweddar yn ein hatgoffa am gymaint yw'r angen led led y byd. Gobeithio eich bod wrth roi eich cyfraniad yn yr amlen yn sylwi ar y ffurflen. O lanw hon fe fedrir cael ad daliad o'ch treth incwm. Mae hwn yn medru bod yn gyfraniad arbennig o dda i chwyddo maint y coffrau.

Yr Urdd. Fe welwch fod 'Clonc' wedi gwneud cyfraniad teilwng i Eisteddfod yr Urdd pan y bydd yn ymweld â Cheredigion. Un cwestiwn sy'n poeni pawb yw 'Ble y cynhelir hi?' Deallaf eu bod yn edrych ar bedwar safle yn y sir – Aberystwyth, Aberteifi, Llannerch Aeron a Llanllŷr. Diau y cawn wybod cyn bo hir. Pob Hwyl,

Cloncyn.

Diolch

Dymuna teulu y diweddar Vera Watkins, Y Garlyn, Llanybydder, ddiolch yn fawr iawn i bawb am bob arwydd o gydymdeimlad a ddangoswyd iddynt yn ystod eu profedigaeth o golli Mam, Mamgu a Hen Famgu annwyl iawn yn ddiweddar. Diolch am y cardiau a'r ymweliadau.

Llanybydder

Cydymdeimlo

Cydymdeimlwn yn ddwys â Dylan Wyn a'r plant sef Rhodri, Rhian a Rhydian, Y Fron, Rhydybont ar farwolaeth gwraig a mam annwyl iawn.

Gwellhad Buan

Gwellhad Buan i Elwyn Davies, Fronlas ar ôl iddo fod yn anhwylyd yn ddiweddar.

Merched y Wawr

Ar y nos Lun diwethaf ym mis Ebrill cafodd yr aelodau groeso cynnes pan wnaeth y Llywydd Linda wahodd yr aelodau i swper yn ei chartref a hefyd dangos i ni sut i wneud bwydydd syml a rhoi ambell i rysâit ac yn fwy pwysig ambell i awgrym. Ar ôl y coginio mi gawsom swper blasus, ac mi wnaeth pawb gael llond eu bol. Cofwyd fod un aelod yn methu â bod yn bresennol yn ein plith oherwydd salwch a phawb yn meddwl amdani.

Trist oedd clywed y diwrnod canlynol am farwolaeth un o aelodau ffyddlon y gangen a oedd hefyd yn ysgrifenyddes eleni sef Wendy Wyn. Roedd Wendy yn aelod ffyddlon ar hyd y blynyddoedd ac nid oedd yn colli cyfarfod yn aml. Mawr bydd ei cholled i gangen Merched y Wawr Llanybydder. Cydymdeimlwn yn ddiffuant â Dylan a'r teulu.

Ar y 19 o Fai mi fuodd y gangen ar Daith Ddirgel. Roedd yn noson braf a bws y gymuned wedi casglu pawb. Cyrhaeddom Rhydgoch, Bwlchgroes, lle bu Toni yn dangos inni sut oedd yn gwneud hufen iâ gyda llaeth o ffarm ei gefinder - sef Hufen Iâ Franco a Toni, ac mi gafodd pawb flasur Hufen Iâ a'i glodfori yn fawr iawn. Yna ymlaen i gael swper ym Mhenrhiwllan. Diolchodd

Linda i bawb am y gefnogaeth yn ystod y flwyddyn gan ddymuno yn dda i'r swyddogion newydd a hefyd diolch i Nans am ein gyrru'n ddiogel. Enillydd y raffl oedd Mair a gafodd ei roi gan Catrin. Noson i gofio am Wendy oedd hon gan mae hi oedd wedi bod ynghlwm â'r trefniadau.

Mi fyddwn yn dathlu ym mis Medi, 25 o flynyddoedd ers i'r gangen gychwyn. Ymunwch â ni yn y dathliadau.

Llongyfarchiadau

Llongyfarchiadau i Daryl Thomas, Cartref Tŷ-Mawr am gael swydd newydd yng Ngholeg Rhydaman; hefyd am basio arholiad 'Chartered Institute of Building' ac am dderbyn y 'Cap and Gown' yn Ascot. Da iawn ti.

Priodas Dda



Ceinwen unig ferch Tony ac Eirina Sisto, Blaenauwenog, Gorsgoch a Dorian, mab hynaf Arwyn ac Elma Jones, Tanyaer, Llanybydder wedi eu priodas yn Eglwys St Vitalis, Dihewyd ar Sadwrn Ebrill 26ain.

Drefach a Llanwenog

Cydymdeimlo

Cydymdeimlir yn ddwys â Bill Evans, Cledlyn Vale ar farwolaeth ei wraig Jessie, yn ddiweddar.

Cydymdeimlwn â Jim Evans, Fronwen ar farwolaeth ei frawd yng nghyfraith Ken Lewis yn Llangoedmor yn ystod y mis.

Cyngor Cymuned Llanwenog

Cynhaliwyd Cyfarfod Blynnyddol y cyngor ar 13eg o Fai yn Neuadd y Pentref, Drefach. Yn bresennol roedd Cyng. Alun James, Cyng. William Green, Cyng. Daniel Evans, Cyng. Daff Davies, Cyng. Mary Thomas, Cyng. Geraint Davies, Cyng. Huw Davies, Cyng. Lewis Davies, Cyng. Geraint Hatcher, Cyng. Alun Davies a'r Cyng. Gwilym Jenkins. Derbyniwyd ymddiheuriadau gan y cynghorydd sirol sef y Cyng. Haydn Richards.

Etholwyd Cyng. Alun James yn Gadeirydd am y flwyddyn i ddod a'r Cyng. Mary Thomas yn Is-Gadeirydd. Fe wnaeth y Cadeirydd longyfarch pawb ar ganlyniad yr Etholiad a gynhaliwyd ar Fai'r 1af. Croesawodd yn wresog un aelod newydd sef Cyng. Geraint Hatcher. Diolchodd hefyd i Mr Alun Evans, Glennydd, Gorsgoch; a oedd wedi ymddiswyddo cyn yr etholiad, am ei wasanaeth o bron i ddeng mlynedd ar hugain fel Cynghorwr Cymuned.

Nid oedd buddiannau personol i'w ddatgelu. Derbyniwyd y Côt Ymddygiad yn unfrydol gan y cyngor a hefyd llenwyd ffurflenni derbyn swydd fel Cynghorwyr.

Soniodd y clerc ei bod wedi cysylltu gyda'r Cyngor Sir ynglŷn â'r arwydd ysgol ym mhentref Cwrtnewydd, hyn ar gais Cyng. Lewis Davies yn ein cyfarfod olaf. Er i'r Cyngor Cymuned anfon llythyr yn y gorffennol, yr un oedd yr ymateb sef nad yw'r cyngor yn fodlon i'r cais. Derbyniwyd hyn gan y cyngor.

Yn dilyn trafodaeth beth amser yn ôl ynglŷn ag arwyddion cŵn yn y plwyf, mae yna 13 arwydd wedi eu harchebu ar gost o £5.00 yr un, a chant eu gosod yn eu priod lefydd yn y dyfodol agos. Derbyniwyd cais oddi wrth bwyllgor Eisteddfod yr Urdd Ceredigion 2010 (plwyf Llanwenog a Llanwnnen) yn gofyn am rodd ac fe benderfynwyd ar swm o £100 gan y cyngor.

Nodwyd derbyn nifer o lythyron ynglŷn â chynllunio ac fe soniodd Cyng. Bill Green fod yna holiadur wedi ei ddosbarthu i nifer o gartrefi yn Alltlyblaca yn gofyn am farn ynglŷn â'r adeiladu a.y.b.

Dyddiad y cyfarfod nesaf – 24ain Mehefin am 8 o'r gloch

Y Gymdeithas Hŷn

Taith i Gaer oedd gan y Gymdeithas ym mis Mai, a chafwyd diwrnod braf ar gyfer y siwrne,-

hynny'n gwneud y daith yn fwy pleserus. Treuliodd yr aelodau tua phedair awr yn y ddinas, ar eu liwt eu hunain; rhai yn dewis mynd o gwmpas mewn bws awyr agored a chael llawer o hanes y lle, tra bod eraill yn ymweld â'r Eglwys Gadeiriol neu'n gwario'u harian yn y siopau!

Teithio nôl wedyn i Aberystwyth, a chael pryd o fwyd blasus yn Llety Parc.

Bydd y trip nesaf yn mynd i Ddinbych y Pysgod dydd Mercher Mehefin 11eg, y bws yn cychwyn o Lambed am 8.30.yb. Enwau i Yvonne Davies cyn gynted â phosib.

Sefydliad y Merched

Nickie Evans oedd siaradwraig y cyfarfod ym mis Ebrill, gan roi hanes Llanerchaeron, lle mae wedi bod yn stiward ers pymtheg mlynedd. Trwy gyfrwng sleidiau dangoswyd sut y gwnaed yr holl welliannau gan yr Ymddiriedolaeth Genedlaethol. Noson ddiddorol dros ben, a hyfryd hefyd oedd cael croesawu aelod newydd.

Ym mis Mai, daeth Bethan Williams atom i egluro'r penderfyniadau a ddewiswyd i fynd ymlaen i'r cyfarfod Cenedlaethol yn Lerpwl ddechrau Mehefin; bydd cynrychiolwyr o'r gwahanol ganghennau yn dod at ei gilydd i bleidleisio ar y penderfyniadau yma.

Mwynhaodd nifer o'r aelodau, ynghyd â rhai ffrindiau, noson ar y trêr ar nos Sadwrn ddechrau mis Mai. Teithio o stesion Bronwydd i Gynwyl Elfed ac yn ôl, gan fwynhau pryd bwyd tri chwrs blasus, y cyfan wedi ei baratoi ar y trêr. Noson bleserus iawn.

Eglwys Santes Gwenog.

Yng nghyfarfod Ffestri'r Pasg ail etholwyd y swyddogion canlynol, - Warden y Ficer – Mary Thomas; Warden y Bobol – Pauline Roberts-Jones; Ysgrifennydd – Keith Goodall; Trysoryddes – Lyn Goodall. Diolchodd ein ficer y



Yn ddiweddar, enillodd Cylch Meithrin Drefach marc ansawdd Cylch Rhagorol Mudiad Ysgolion Meithrin. Mae adroddiad yr arolygydd yn llawn canmoliaeth i'r gofal a'r profiad eang y mae'r plant yn cael yn y cylch. Canmolwyd perthynas wych y staff gyda'r plant a'r hwyl y mae'r staff a'r plant yn ei gael yng nghwmni'i gilydd. Nodwyd bod y cylch yn cynnig awyrgylch gynnes a chartrefol a bod hapusrwydd y plant bach yn amlwg. Bydd ychydig o lefydd gwag yn y cylch o fis Medi ymlaen. Os oes diddordeb gennych, yna cysylltwch â'r arweinydd. Mrs Delyth Jones 07854091043. Hefyd yn y llun gyda'r plant mae'r athrawon Caryl Rosser, Anne Evenden a Delyth Jones.

Parch. Bill Fillery i bawb am eu cefnogaeth, ffyddlondeb a'u cydweithrediad i sicrhau blwyddyn lwyddiannus unwaith eto.

Cafwyd mantolen foddhaol gan ein trysoryddes ond pwysleisiodd fod cyfrannu parhaol yn bwysig i gadw'r Eglwys yn agored. Trwy garedigrwydd Wendy ac Alan Mellor derbyniwyd gwahoddiad i ymweld â'u gardd fendigedig yn Rhiwsion Isaf ar Fehefin y 29ain o 2y.p. hyd 6.30. Croeso cynnes i bawb i fwynhau golygfa hyfryd, stondinau amrywiol a barbeciw. Gobeithio bydd y tywydd yn garedig i ni.

Ar yr 20fed o Awst bydd 'Tê Hufenog' yn yr Eglwys. Y thema eleni fydd cystadlaethau arlunio a chrefft i blant ysgolion y plwyf. Mwy o fanylion y mis nesaf.

Llongyfarchiadau i Rhian Wyn Thomas, Llechwedd ar ennill 'Pencampwriaeth Golff Cymru i Fenywod' Rhian oedd y Gymraes gyntaf i ennill y gamp yma ers 1989. Rhagorol Rhian!

Cydymdeimlwn yn fawr â Bill Evans, Vale of Cledlyn' ar farwolaeth Jessie, ei briod ar ôl dioddef cystudd hir. Bu'r angladd yn 'Amlosgfa' Aberystwyth ar yr 16eg o Fai.

Cofiwn yn ein gweddïau am Moira Bone, a phawb o'r plwyf sy'n anhwylys naill ai yn eu cartref neu mewn ysbyty.

Clwb 100 Mis Ebrill: 1.Ken Davies, Rhydyfodrwydd. 2.Charlotte Mellor, Rhiwsion Isaf. 3.David

Jones, Tŷ Crian, Cwmsychbant.

Clwb 100 Neuadd y Pentref

Ebrill - Meinir Jones, Cloch yr Yd, Mair Williams, Llys Idwal.

Mai - Bet Morgan Glanafon, Gwenan a Siwan Davies. Llysderi

Clwb Ffermwyr Ifanc

Unwaith yn rhagor, mae mis y Clwb Ffermwyr Ifanc wedi bod yn un prysur llawn llwyddiant. Ar y 21ain o Ebrill daeth Meical Morgans atom i gynnal noson cymorth cyntaf. Roedd yn noson ddiddorol a defnyddiol iawn wrth i ni ddysgu sgiliau sylfaenol cymorth cyntaf. Ar Ebrill y 26ain, cynhaliwyd Diwrnod Maes Cymru yn Llanellwedd, a llongyfarchiadau mawr iawn i Elin Jones a gafodd ei henwi'n aelod iau C.F.F.I Cymru!

Cynhaliwyd helfa drysor flynyddol y Clwb ar Fai'r 5ed gyda nifer o geir yn gyrru o amgylch yr ardal yn trïo chwilio cliwiau! Mi fuon ni i gyd yn bwyta llond bola o hufen iâ ar Fai'r 12fed wrth i ni ymweld â bwyty La Calabria ger Ffostrasol. Dangosodd y perchennog i ni sut yr oedd yn gwneud sorbet mango, ac wrth gwrs roedd yn rhaid blasu'r sorbet cyn mynd adre', oedd yn ffein iawn gyda llaw!

Ar y foment, ry'n ni'n fishi iawn yn paratoi ar gyfer rali'r Sir sy'n cael ei gynnal ar fferm Pantydefaid, Prengwyn ar y 7fed o Fehefin. Gobeithio bydd ein llwyddiant yn para yn ystod y Rali hefyd!



MEHEFIN

- 5 Sesiwn Ddrymio gyda Bongo Clive yn Neuadd yr Ysgol Llanfihangel ar Arth 5- 5.45 plant 7- 12 oed 5.45 – 6.30 pobl ifanc cost £1.
- 6 Sesiwn Ymarfer Corff gyda J's Workout yn Neuadd yr Eglwys Cymunedol Llanllwni cost £3.50.
- 7 Rali C.Ff.I. Ceredigion Pontsian ar fferm Pantydefaid, Prengwyn.
- 7 Cyngerdd gan Côr Meibion Macclesfield yn perfformio yn Eglwys y Drindod Sanctaidd Aberaeron am 7.30 y.h. gyda Sarah Annakin.
- 8 Cymanfa Ganu Rali yng Nghapel Pantydefaid, Prengwyn.
- 10 Cyfarfod Rhwydwaith Cymunedol y Teifi 7yh yn Neuadd yr Eglwys Cymunedol Llanllwni
- 12 Sesiwn Ddrymio gyda Bongo Clive yn Neuadd Yr Ysgol Llanfihangel ar Arth 5- 5.45 plant 7- 12 oed 5.45 – 6.30 pobl ifanc cost £1.
- 13 Sesiwn Ymarfer Corff gyda J's Workout yn Neuadd yr Eglwys Cymunedol Llanllwni cost £3.50.
- 14 Drama 'Trafael ar y Trên Glas' – gan Sharon Morgan gyda chwmni Rhosys Cochion yn Neuadd yr Ysgol Llanfihangel cychwyn am 7.30.
- 14 Y barbeciw blynyddol yn Llanfair Clydogau.
- 14 Ffair Haf yr Anedd, Llanybydder am 2y.p.
- 15 Cyngerdd yng Nghapel Maesffynnon, Llangybi gyda Chôr Ty Tawe, Abertawe. Unawdydd – Teifryn Rees.
- 18 Trip Pwyllgor Lles Llanwnnen i Fachynlleth, Drenewydd ac Aberystwyth. Enwau i Gomer Lewis, Hafan 480252 cyn gynted a phosib.
- 18 Cynhadledd Amlgyfrwng i'r Chweched Dosbarth Adran y Gymraeg, Prifysgol Cymru, Llanbedr Pont Steffan. Cyswllt: linda.jones@lamp.ac.uk
- 19 Sesiwn Ddrymio gyda Bongo Clive yn Neuadd Yr Ysgol Llanfihangel ar Arth 5- 5.45 plant 7- 12 oed 5.45 – 6.30 pobl ifanc cost £1.
- 20 Trip Llanfair Clydogau i Aberglasni a Chastell Dinefwr.
- 22 Cyngerdd ym Mhafilwn Pontrhydfendigaid gyda buddugwyr Eisteddfod 2008 ynghyd â Catrin Finch.
- 23 Pwyllgor Canmlwyddiant Ysgol Llanwnnen yn yr ysgol am 7y.h.
- 24 Pwyllgor Apêl Eisteddfod 2010 yn Ysgol Ffynnonbedr am 7:30y.h.
- 27 Cyngerdd yng Nghapel y Groes, Llanwnnen am 7:30y.h. gyda Chôr Lleisiau'r Werin, Parti'r Gannwyll, Plant yr Ysgol Sul, Plant Ysgol Llanwnnen a Heledd a Gwenllian Llwyd.
- 28 Diwrnod hwyl yn Llanllwni i ddechrau am 1y.p.

GORFFENNAF

- 5 Cyngerdd Canmlwyddiant Ysgol Llanwnnen yn Theatr Felinfach am 7y.h. Tocynnau ar werth o'r Theatr 01570 470697.
- 6 Oedfa o Fawl yng Nghapel Shiloh Llambled am 7y.h. Elw tuag at Apêl Eisteddfod yr Urdd Ceredigion 2010.
- 11 6yh Noson Goffi – Frondolau, Pentrebach, elw at Ymchwil y Cancr.
- 12 Sel Cist Car 8 yb – 1yp Clwb Rygbi, Heol y Gogledd – elw at Eisteddfod Genedlaethol yr Urdd 2010.
- 12 Mabolgampau Cwrtnewydd.
- 14 Cyfarfod o Bwyllgor Apêl Llanwenog a Llanwnnen Eisteddfod yr Urdd Ceredigion 2010 yn Ysgol Gynradd Cwrtnewydd am 7:30y.h.
- 14 Ffair Haf Ysgol Llanwnnen yn yr ysgol am 4y.p. a thwrnament Pêldroed i blant.
- 17 Ffair Haf Ysgol Carreg Hirfaen yn Uned Coedmor am 6 o'r gloch.
- 19 Cneifio Llambled ar fferm Capeli. Elw'r diwrnod yn mynd i Uned Losgiadau Ysbyty Treforys, Abertawe.
- 26 Ffêt pentref Llanfair Clydogau.

AWST

- 10 Pwyllgor y Pentref yn trefnu Diwrnod Hwyl ar gae Cwmann. 22–25 Penwythnos Eisteddfod Rhys Thomas James, Llambled.

MEDI

- 13 Ffair Ram ar gae pentref Cwmann.
- 18 Noson Caws a Gwin – Festri Brondeifi Elw at Ymchwil y Cancr.
- 20 Lansio Llyfr, Dadorchuddio plac ac arddangosfa luniau Canmlwyddiant yn Ysgol Llanwnnen 2 - 5y.p. a'r Cinio Dathlu yn yr hwyr.
- 21 Cymanfa Ganu Canmlwyddiant Ysgol Llanwnnen yng Nghapel y Groes, Llanwnnen am 7y.h. Llywydd – Dr Dai Lloyd AC.

HYDREF

- 10 Ocsiwn Addewidion yn Nhafarn Cefnhafod, Gorsgoch. Elw tuag at Apêl Plwyfi Llanwenog a Llanwnnen.
- 18 Cyngerdd Corau Meibion Unedig Ceredigion ym Mhafiliwn Pontrhydfendigaid. Elw tuag at Bwyllgor Cerdd Eisteddfod 2010.

TACHWEDD

- 2 Cymanfa Ganu Bedyddwyr Glannau Teifi yng Nghapel Penybont Llandysul am 6y.h. Arweinydd: Sioned James, Caerdydd.

Bag Papurau Bro

am ddim i'r 200
aelod newydd
cyntaf sy'n ymuno
â Chlwb Clonc a
thalu drwy archeb
banc.



CEFNOGI CLONC 2008

Y ffordd orau a'r mwyaf ymarferol o gefnogi eich papur bro yw trwy ymuno â Chlwb CLONC. Rydym yn ddibynnol iawn ar yr incwm. Diolch am gefnogi.



CLWB CLONC

Byddem yn gwerthfawrogi petaech yn talu drwy archeb banc. Mae'n hawdd. Llenwch y ffurflen isod a'i dychwelyd at yr Ysgrifenyddes.

Archeb Banc yn unig

At Rheolwr Banc y / Manager of

Cangen / Branch

Wedi derbyn yr archeb hon, telwch i FANC NATWEST Llambled 53 61 42 CLWB CLONC 03451526 y swm o £5, £10, £15, £20* NAWR ac yna ar y dydd cyntaf o Orffennaf bob blwyddyn nes y rhybuddiaf chi ymhellach, telwch y swm o

£5, £10, £15, £20

Enw llawn / Name

Cyfeiriad Llawn / Address

Rhif y cyfrif / Account no

Dyddiad / Date ... / ... / 08

Arwyddwyd / Signed

** Rhowch gylch o amgylch y swm y dymunwch roi**
neu...

os am dalu ag arian parod neu siec, llenwch y ffurflen isod a'i dychwelyd at yr ysgrifenyddes cyn diwedd mis Gorffennaf os gwelwch yn dda.



Amgaeaf tâl o £5, £10, £15 neu fwy.

**** Arian / Siec yn daliadwy i 'Glwb Clonc' ****

Enw:

Cyfeiriad:

CLWB CLONC Mehefin 2008

- £25 rhif 30 : Dilwyn Davies, Alwyn, Llanwnnen
£20 rhif 434 : Teulu Williams, Clyncoch, Cwrtnewydd
£15 rhif 294 : Miss Hannah Jones, Cartref Henllan, Henllan
£10 rhif 223 : Mrs Mair Jenkins, Glynmeherin, Gorsgoch
£10 rhif 98 : Sioned Davies, Y Cartws, Rhydowen
£10 rhif 288: D.J. Jones, Gorlandeg, Llanfihangel-ar-Arth

Llanbedr Pont Steffan



Gwersi Cymraeg i oedolion yn Ysgol Ffynnonbedr

Ysgol Ffynnonbedr

Yn yr Arolwg Estyn derbyniodd yr ysgol y sylwadau agoriadol canlynol - “Mae Ysgol Ffynnonbedr yn ysgol hapus iawn. Mae ganddi rai nodweddion rhagorol a nifer sylweddol o nodweddion da. Mae’r pennaeth, gyda chymorth medrus y dirprwy, staff hynod ymroddgar a chorff llywodraethol cefnogol, wedi cynnal safonau da dros y blynyddoedd diwethaf.”

Canmolwyd safon cyflawniad y disgyblion gan nodi fod 84% naill ai yn dda gyda nodweddion rhagorol neu’n dda. O safbwynt gwaith yr athrawon roedd 87% naill ai yn dda gyda nodweddion rhagorol neu’n dda. Nodwyd yr ymdeimlad o dîm effeithiol yn gweithredu yn yr ysgol.

Clodforwyd ymddygiad y plant gan ddweud iddo fod yn rhagorol a bod y disgyblion yn awyddus i ddysgu ac yn parchu ei gilydd.

Nodwyd hefyd bod y cyswllt rhwng yr ysgol â’r gymuned yn un o gryfderau’r ysgol.

Derbyniodd rhai adrannau/pynciau y radd uchaf o ragoriaeth, roedd eraill yn dda neu â nodweddion da. Mae’r ysgol yn ymhyfrydu yn hyn ac yn amlwg fe fydd yn sail gadarn i adeiladu arno a’i ddatblygu i’r dyfodol.

O safbwynt y llecyn a’r adnoddau nodwyd bod yr “adeilad newydd sbon a’r ddarpariaeth yn rhagorol.”

Mae’r plant, staff, llywodraethwyr a rhieni yn edrych ymlaen i ddatblygiad pellach i’r dyfodol.

Cafwyd nifer o lwyddiannau gan blant yr ysgol yn ddiweddar.

Enillodd tîm pêl-droed y merched wobwr gyntaf yn sirol a gwnaeth Caitlin Page yr un peth.



Daeth Caitlin yn ogystal yn drydydd yn ei ras o ran y merched ar lefel genedlaethol - gwyh iawn a’r

tîm merched yn bumed.

I ychwanegu at hyn enillodd Caitlin ras Sarn Helen yn ddiweddar.

Bu Gareth John yn chwarae criced ar ran Sir Gaerfyrddin a chynrychioli De Cymru. Mae’n dda gweld y traddodiad teuluol yn parhau.

Mewn maes hollol wahanol daeth Carie Collom yn ail yn yr Adran Dechnoleg yn yr Eisteddfod Genedlaethol yng Nghonwy. Llongyfarchiadau iddi hi a dymunwn yn dda i Klean Dalton fydd yn cynrychioli’r ysgol yn y ddawns disgo ac i’r unawdwyr a’r parffon fydd yn cynrychioli’r Adran yn yr Eisteddfod.

Llongyfarchwn hefyd y tîmau iaith gyntaf ac ail iaith a fu’n cystadlu yn y cwis llyfrau Cymraeg. Mae’n glod iddyn nhw a’u hathrawon eu bod yn medru cyrraedd safon mor uchel.

Hyfryd oedd cael cwmni dwy athrawes o Batagonia oedd yn aros gyda Mrs Morfudd Slaymaker. Buont gyda ni am ddiwrnod a mwynhau’r profiad yn fawr.

Braf yw croesawu nifer o’n rhieni sy’n dod atom ar fore Gwener i ddysgu’r iaith. Mawr hyderwn y byddant yn meistrolï’r Gymraeg fel eu bônt yn medru bod yn aelodau llawnach o’n cymdeithas.

Aelwyd Yr Urdd

Ar noson hyfryd o Fai cynhaliwyd Helfa Drysor Aelwyd yr Urdd i gloi gweithgareddau’r flwyddyn. Daeth criw niferus ynghyd a chafwyd llawer o hwyl yn ceisio dod o hyd i’r atebion cywir. Paratowyd yr Helfa Drysor gan Janet. Dyma’r canlyniadau : - 1. Rhian, Nicola a Kiri (29½), 2. Daniel Edwardes (28), Cydradd 3. Gwawr, Sian Elin a Lauren/Beca, Sioned a Lizzie (27½). Cynorthwywyd ar y noson gan Joy, Mareth a Janet.

Bu’r flwyddyn yn un llwyddiannus iawn unwaith eto yn hanes yr Aelwyd. Cymerwyd rhan mewn nifer o weithgareddau yn cynnwys dawnio gwerin, gweithdy drama, eisteddfod ddwl, oedfa Sul yr Urdd a chystadlu yn yr eisteddfod. Dymuna Janet ddiolch o waelod calon i’r aelodau am eu ffyddlondeb - bu rhwng 35 a 45 yn mynychu’n rheolaidd. Diolch yn fawr hefyd i Geinor Medi, Helen, Rhian, Mareth a Joy am eu cymorth mawr ac i’r rhieni am eu cydweithrediad. Bydd

yr Aelwyd yn ail ddechru ym mis Medi. Mwynhewch y gwyliau.

Mae dyled yr Aelwyd yn fawr i Huw Jenkins, Prifathro Ysgol Ffynnonbedr am ddefnydd o’r neuadd i gynnal ein cyfarfodydd a hefyd i Barrie Hughes y gofawlwr am bob cydweithrediad.

Pigion yr Eisteddfod

Roedd neuadd Ysgol Ffynnonbedr yn llawn yn ddiweddar ar gyfer Pigion yr Eisteddfod yng nghwmni aelodau Adran ac Aelwyd yr Urdd. Mwynhawyd noson wych yn gwrando ar y plant a’r bobl ifanc oedd wedi cyflawni camp arbennig, drwy gipio 8 cyntaf, 3 ail a 6 trydydd yng nghystadlaethau Eisteddfodau Rhanbarth Ceredigion. Cafwyd amrywiaeth eang o eitemau o safon uchel iawn yn cynnwys unawdau lleisiol ac offerynnol, adroddiadau, cyflwyniadau gwerin, unawd allan o sioe gerdd ynghyd â grwpiau canu a llefaru. Arweiniwyd y noson yn hwylus ac yn fedrus gan is-arweinyddion yr Aelwyd sef Rhian Jones, Geinor Medi a Helen Roberts. Ar ddiwedd y noson talwyd diolch haeddiannol gan Rhian i’r artistiaid ifanc i gyd, i Rhiannon ac Elin am hyfforddi’r parffon, i Janet am drefnu’r noson ac i bawb oedd wedi cynorthwyo mewn unrhyw ffordd ac yn olaf ond nid y lleiaf talodd deyrnged i Mr Huw Jenkins, Prifathro Ysgol Ffynnonbedr am ddefnydd o’r neuadd hardd a hefyd am bob cydweithrediad wrth gynnal cyfarfodydd yr Adran a’r Aelwyd yno yn ystod y flwyddyn. Datganodd Janet ei gwerthfawrogiad i Rhian, Geinor Medi a Helen am eu cyfraniad gwerthfawr hwythau. “Talent eithriadol”, dyna’r geiriau ar wefusau pawb wrth droi tuag adref yn dilyn noson lwyddiannus a phleserus iawn. O ganlyniad, codwyd swm sylweddol i helpu tuag at gostau cystadlu yn yr Eisteddfod Genedlaethol.

Gyrfa Chwist – Cartref Hafan Deg

Ar nos Fercher y 30ain o Ebrill, cynhaliwyd Gyrfa Chwist yng Nghartref Hafan Deg gyda Mr Iorwerth Evans, Llangybi yn arwain.

Dynion 1af – Maggie Vaughan, Bro Henllys, Felinfach, 2ail – Edward Lockier, Llambled, 3ydd Jack Jenkins, Llanybydder. Merched 1af – Nancy Davies, Heol y Goedwig, Llambled, 2ail – Beryl Roach, Bro Henllys, Felinfach, 3ydd Cathrina Davies, Aberaeron.

Sgor Isaf – Dynion – Gwendoline Jones, Llanybydder, Merched – Margaret Roberts, Llambled. Bwrw Allan – Enillwyr – Jack Jenkins a Evan Jones, Aberarth, 2ail Nancy Davies a Edward Lockier.

Ar nos Fercher y 14eg o Fai, cynhaliwyd Gyrfa Chwist yng Nghartref Hafan Deg gyda Mr

Iorwerth Evans, Llangybi yn arwain.

Dynion 1af – Ray Jenkins, Llanybydder, 2ail Dan Davies, Aberaeron, 3ydd Harry William, Ystrad Aeron. Merched 1af Miriam Davies, Aberaeron, 2ail Gwen Davies, Llanwnnen, 3ydd Ray Thomas, Stryd Newydd, Llambled. Sgor Isaf Dynion Ifan John Jones, Felinfach, Merched Mari Evans, Llanwnnen. Bwrw Allan – Enillwyr Ray Thomas a Harry Williams, 2ail Gwenda Davies, Felinfach a Ray Jenkins. Bydd y Gyrfaoedd Chwist nesaf ar Nos Fercher 11eg a 25ain o Fehefin. Croeso cynnes i bawb.

Cydymdeimlad

Cydymdeimlir yn ddwys â’r teuluoedd sydd wedi colli anwyliad yn ystod y mis.

Merched y Wawr

Yn wahanol i’r arfer fe aeth Cangen Merched y Wawr Llanbedr ar daith ddirgel nos Lun 12fed o Fai wedi ei threfnu yn arbennig gan Ray a Glenys a phawb yn ceisio dyfalu lle yr oeddem yn mynd. O dipyn i beth ar ôl ychydig drafferth gyda’r bws fe gyrhaeddodd ganolfan Gwasg Gomer ger Llandysul a chael ein tywys o gwmpas i gael gweld sut oedd y gwahanol broblemau yn cael eu cyflawni yn ogystal â sut oedd yr holl ddeunydd yn cael ei baratoi ar gyfer argraffu. Tipyn o agoriad llygaid ac yn ddiddorol dros ben. O’r fan hynny, rhagor o ddyfalu lle’r oeddem am fynd i gael bwyd ac ymlaen drwy Sgwâr Horeb a phawb yn synhwyro mai i Tafarn Ffostrasol yr oeddem am orffen y dirgelwch. Cafwyd pryd blasus iawn ac orig o gymdeithasu gyda’n gilydd. Cafwyd pwyllgor byr dan lywyddiaeth Eryl pan ddiolchodd i Glenys a Ray am baratoi a threfnu noson hyfryd iawn ar ein cyfer. Fe wnaeth gydymdeimlo â sawl aelod a oedd wedi colli annwyliad yn ddiweddar. Llongyfarchodd Dorothy ac Elfan a’r teulu ar enedigaeth wŷr bach, Mrs Nansi Jones ar enedigaeth ei gor wŷr bach ac hefyd Gwyneth ac Endaf sydd newydd ddathlu eu priodas Ruddem gan ddymuno’n dda iddynt. Braf oedd dweud hefyd fod Jan adref o’r Ysbyty erbyn hyn.

Diolchodd Eryl i’r aelodau a oedd wedi cyfrannu bwyd a gwobrau raffl a helpu i baratoi Te i’r ifanc o galon yn Neuadd Victoria yn ddiweddar a diolchodd i Llinos ac Olwen am ymweld ag unigolion Hafan Deg.

Fe fu Gŵyl Fai y Rhanbarth yn Aberaeron yn ddiweddar a diolchodd Eryl i aelodau a oedd wedi cystadlu ond yn arbennig iawn i Dilys Godfrey a wnaeth gipio 3 trydydd gwobr ac un wobwr gyntaf. Mae wyth o aelodau’r gangen yn bwriadu cymryd rhan yn y Ras am Fwyd yn Aberystwyth ar y 11eg o Fehefin i godi arian at Ymchwil y Cancr ac

Llanbedr Pont Steffan

y maent ar hyn o bryd yn ymarfer tipyn a cheisio casglu noddwyr gan obeithio llwyddo gwneud cyfraniad at y salwch difrifol hyn. Cynhelir ein Cyfarfod Blyneddol y Mis nesaf gydag ychydig o adloniant ysgafn gan Verina.

Llwyddiant Lowri Elen



Cyflawnodd Lowri Elen, Glennydd, Stryd Newydd gamp eithriadol yn Eisteddfod Pontrhydfendigaid eleni wrth iddi ennill yr unawd 10-12 oed. Dyma'r 5ed flwyddyn yn olynol iddi ddod i'r brig yng nghystadleuaeth yr unawd yn yr Eisteddfod hon. Hefyd cipiodd y drydedd wobr yn y llefaru. Yn ystod y misoedd diwethaf mae Lowri Elen wedi ennill llu o gwpanau am ganu a llefaru ar hyd a lled y wlad. Ac wrth i Clonc fynd i'r wasg clywyd am ei llwyddiant yn Eisteddfod yr Urdd gan ddod yn ail am lefaru a thrydydd am ganu. Llongyfarchiadau mawr i ti a phob lwc i'r dyfodol.

Cymanfa Ganu

Cynhaliwyd Cymanfa Ganu flynyddol Annibynwyr cylch Llanbedr yng Nghapel Soar, Dydd Sul, yr 11eg o fis Mai; fel mae'n arferol ers llawer blwyddyn bellach, un oedfa am 5 o'r gloch i'r plant a'r oedolion.

Llywydd y Gymanfa eleni oedd y Parch. Ddr. Rheinallt Davies, ar ran Capel Bethel Drefach, ac aelodau'r Capel oedd yn cymeryd at y rhannau arweiniol. Darllenwyd gan Jane Jones, Pwllbilwg, ac offrymwyd gweddi gan Gillian Jones, Meysydd.

Croesawyd a chyflwynwyd yr Arweinyddes gan y Llywydd; Mrs Carys Lewis, Cwmann, - athrawes, cantores, ac yn awr arweinydd Côr Corisma; yn enedigol o Felinfach. Creodd naws hyfryd gyda'i ffordd hamddenol ddi-ffws, a thynnodd y gorau allan o'r cantorion. Braf oedd gweld llond y sêd fawr o blant ysgolion Sul Bethel Parcyrrhos a Thynygwndwn, yn mwynhau eu hunain wrth ganu.

Cafwyd gair gan y Llywydd er mwyn rhoi hoe i'r arweinydd a'r cantorion, a rhoddodd ychydig o hanes y cymanfoedd cynnar yn hanes yr enwad. Diddorol oedd

clywed fod yna drenau'n cludo pobol i'r gymanfa am ddim yn nechrau'r 20fed ganrif.

Talwyd y diolchiadau ganddo hefyd, ac offrymwyd y Fendith gan y Parch. Huw Roberts.

Cymdeithas Hanes Llambed

Noson yng ngofal rhai o'r aelodau oedd cyfarfod mis Mai, a hynny er mwyn diweddar rhai o'u prosiectau, gan ddal i gasglu gwybodaeth. Yn absenoldeb y Cadeirydd a oedd yn derbyn llawdriniaeth, cymerwyd y Gadair gan yr Athro David Austin. Dymunodd yn dda i Selwyn Walters ar ran y Gymdeithas, ac arwyddwyd cerdyn iddo gan bawb oedd yn bresennol.

Cyflwynodd Penny David ei gwaith ar fap y degwm dros ardal Llambed, gan roi enwau nifer o'r caeau, gan annog yr aelodau i gofnodi yr enwau a gofient am gaeau eraill. Mae nifer o'r caeau yma wedi diflannu o dan adeiladau, neu nifer o gaeau bach wedi mynd yn un cae mawr, ond byddai'n drueni colli'r enwau hanesyddol arnynt.

Aeth ymlaen wedyn i ddangos hen lun yn ymwneud â theulu a gweision/morynion Falcondale tua ddiwedd y rhyfel byd cyntaf. Braf oedd cael ymateb o'r llawr, ac un aelod yn medru dweud bod ewythr iddo yn y llun.

Yvonne Davies bu'n cymeryd y rhan nesaf o'r noson, gan roi rhagor o hanes y Stryd Fawr. Mae'n syndod fel mae'r jig-so yn dal i dyfu! I ddiweddu, roedd Cecilia Barton wedi derbyn ymateb oddiwrth un o gyn-drigolion Llambed wedi iddi dderbyn Calendr Hanes Llambed 2008, ac roedd wedi ysgrifennu ei hatgofion hi am fwyafrif o'r lluniau, - hynny eto yn arwain at fwy o drafodaeth ymysg yr aelodau.

Diolchwyd i bawb gan David Austin, a chyhoeddodd y bydd y cyfarfod nesaf, Nos Fawrth, Mehefin 17eg, 'Helfa Drysor' neu Cwis Hanes -(yn ddiwynnol ar y tywydd)- yn ngofal Jen Cairns. Pawb i gwrdd yn yr Ystafell Adnoddau am 7.30.yh.

Ym mis Gorffennaf, trefnir ymweliad â'r Llyfrgell Genedlaethol, dydd Mercher yr 16eg o'r mis, ond bydd angen rhoi eich henwau yn y cyfarfod nesaf.

Cynhadledd Chweched Dosbarth

Cynhelir cynhadledd amlgyfrwng (ar gampws a thrwy gyswllt fideo) ddydd Mercher, 18 Mehefin 2008 (rhwng 9.30yb a 3.00yp) yn Adeilad y Celfyddydau, Prifysgol Cymru, Llanbedr Pont Steffan.

Ymhlith y cyfranwyr bydd Ceri Wyn Jones, Caryl Lewis, Rhiannon Ifans, Elisa Moras ac Owen Thomas yn trafod gwahanol agweddau ar faes llafur Safon Uwch ac Uwch Gyfrannol Cymraeg.

Mynediad rhad ac am ddim i athrawon a disgyblion Cymraeg ysgolion

uwchradd lleol. Am ragor o fanylion cysylltwch â Linda Jones (01570 424754 neu linda.jones@lamp.ac.uk).

Clwb Bowlio

Cynhaliwyd noson wobrwyo lwyddiannus iawn yn ddiweddar. Cyflwynwyd tarianau a chwpanau i enillwyr cystadlaethau a gymerodd le yn ystod y gaeaf gan Mr Edwin Harries, y llywydd. Diolch i Mark Lane am baratoi bwyd blasus. Daeth y noson i ben gyda Rasys Parlwr a gododd arian sylweddol i'r clwb. Diolch i'r bobl a fu ynghlwm â'r rasys yma.

Ar brynghawn heulog agorwyd y tymor newydd gan y Maer Chris Thomas. Cafwyd gêm hwylus dros ben yn ystod y prynghawn. Diolch i'r gwragedd am baratoi lluniaeth i'r chwaraewyr a ffrindiau'r clwb.

Llongyfarchiadau i Anwen Butten a Morfudd Rees am gael eu dewis i chwarae i garfan Cymru 2008. Pob lwc.

Diolch

Hoffai'r Cynghorydd Dorothy Williams, Blodfryn, Heol y Bryn ddiolch yn gynnes i'r rhai a bleidleisiodd drosti yn yr etholiad ar gyfer Cyngor Sir Ceredigion a gynhaliwyd ar ddechrau mis Mai.

Ymchwil y Cancr

Cyfarfu aelodau pwyllgor Ymchwil y Cancr yn ddiweddar yn festri Brondeifi o dan gadeiryddiaeth y Parch Goronwy Evans. Gan mai aelodau Llanybydder oedd yn gyfrifiol am godi arian y llynedd tro Llambed yw hi eleni. Trafodwyd nifer o syniadau a phendefynwyd trefnu raffl fawr i'w thynnu mewn noson Caws a Gwin yn festri Brondeifi ar 18 Medi. Cynhelir Noson Goffi yng nghartref Hazel a Twynog Davies, Frondolau nos Wener 11 Gorffennaf rhwng 6 a 9 o'r gloch – diolch iddynt am eu caredigrwydd. Hefyd mae aelodau'r pwyllgor o ardal Cellan wedi cytuno i drefnu gweithgaredd ym mis Hydref. Estynnir croeso cynnes i aelodau newydd ymuno â'r pwyllgor – bydd y Parch Goronwy Evans a Joan James yr ysgrifennydd yn falch i glywed oddi wrthyh. Mae'r pwyllgor yn un hwyliog a chartrefol iawn.

Diolch

Dymuna'r Cynghorydd Ivor Williams ddatgan ei werthfawrogiad i etholwyr Llanbedr Pont Steffan am ei ail ethol fel Cynghorydd Sir Ceredigion. Diolchir yn gynnes iawn i bawb am eu cefnogaeth ardderchog.

Diolch

Dymuna'r Cynghorydd Hag Harris ddiolch yn fawr iawn i drigolion Llanbedr Pont Steffan am ei ail ethol ar Gyngor Sir Ceredigion. Diolch o waelod calon i bawb am eu cefnogaeth rhagorol.

Bedyddwyr

Cynhaliwyd Cymanfa Ganu Bedyddwyr Cylch Caio a Llambed ym Methel Cwm Pedol ar Sul 18 Mai. Cymerwyd at y rhannau arweiniol yn oedfa'r prynghawn gan Dafydd Morgan a Deian Thomas, Bethel Cwm Pedol. Yr arweinydd gwadd oedd Carys Lewis o Gwmann, arweinydd Côr Merched Corisma. Mwynhawyd gwledd arbennig yn oedfa'r plant gyda phob un ohonynt yn rhoi o'u gorau glas ac yn ymateb yn rhagorol i gyfarwyddiadau'r arweinydd ac wrth eu bodd yn ei chwmni. Yn ôl yr arfer bu'r plant a'r bobl ifanc yn darllen yr emynau gan wneud hynny yn hynod o raenus. Llywydd oedfa'r prynghawn oedd Llinos Jones o Noddfa a chyflwynodd neges bwysig i'r plant mewn ffordd syml ond effeithiol iawn gan ddal eu sylw o'r dechrau i'r diwedd a chafwyd ymateb brwd a hwyliog iawn i'w chwestiynau. Pleser oedd gwrandao ar eitem o safon uchel ar lafar ac ar gân yng ngofal Ysgol Sul Noddfa yn seiliedig ar Neges Heddwch ac Ewyllys Da yr Urdd. Er nad oedd rhifau'r cantorion yn uchel yn oedfa'r hwyr cafwyd canu gorfoleddus gyda'r arweinydd a'r câr ar eu gorau. Llywyddwyd gan Eirian Morgan, Bethel Cwm Pedol a chymerwyd at y rhannau arweiniol gan Rhys Davies hefyd o Fethel. Talodd y llywydd ddiolch haeddiannol i'r arweinydd am ei gwasanaeth clodwiw yn ystod y dydd, i bawb oedd wedi cymryd rhan, i'r organyddion Elfyn Davies ac Avril Evans am eu cyfraniad gwerthfawr, i'r cantorion o'r eglwys lleol am eu cymorth ac i swyddogion ac aelodau Bethel am eu croeso ac am drefnu lluniaeth ardderchog rhwng yr oedfaon. Talodd deyrnged hefyd i Emllyn Davies am ei waith diflino yn arwain rihyrsals yr oedolion, i Janet Evans am baratoi'r plant a'r bobl ifanc ac i sywddogion y pwyllgor am eu paratoadau trylwyr. Talodd Carys ei diolch hithau am y fraint o gael arwain y Gymanfa ac i'r plant a'r oedolion am eu canu bendigedig. Tystaiu pawb yn bresennol ein bod wedi cael Gymanfa lwyddiannus iawn.

Gorsgoch

Llongyfarchiadau

Llongyfarchiadau i Elinor Jones, Penlon ar basio arholiad cerdd ysgrifennedig Gradd 4 gyda anrhydedd.

Gwerthu nwyddau ffasiynol at Eisteddfod yr Urdd yn 2010

“Hei Mr Urdd yn dy goch gwyn a ... leim” yw’r gân wrth i bobl Ceredigion baratoi i groesawu Eisteddfod genedlaethol y mudiad yn 2010.

Mae’r arbenigwyr ffasiwn yn darogan mai leim fydd Y lliw yn y flwyddyn honno, a dyna yw un o ddau liw nwyddau’r wyl. Mae rhai o’r rheiny newydd ddod ar werth i godi arian at yr Eisteddfod a thynnu sylw ati.

Fe fydd gwyrd yn bwysig hefyd, gan fod llawer o’r nwyddau wedi eu creu o ddefnydd wedi ei ailgylchu - gan gynnwys pensil, pren mesur a llyfr nodiadau.

Mae’r Pwyllgor Gwaith yng Ngheredigion yn dilyn ffasiwn arall hefyd trwy greu peli rygbi arbennig a chrysau rygbi i ferched a dynion – y cyfan i ddathlu llwyddiant y tîm cenedlaethol yn cipio’r Goron Driphlyg a’r Gamp Lawn.

Ymhlith nwyddau eraill sydd ar fin ymddangos, crysau polo a chrysau-T a’r rheiny, fel yr holl nwyddau eraill, mewn leim a du.

Mae’r nwyddau eisoes yn gwerthu’n gyflym yng Ngheredigion ac fe fydd cyfle i bawb trwy Gymru eu prynu pan fydd gan Eisteddfod 2010 stondin ar faes Eisteddfod 2008 yng Nghonwy adeg hanner tymor.

Bydd cyfle arall yn yr Eisteddfod Genedlaethol yng Nghaerdydd ym mis Awst pan fydd y gwaith o beintio’r byd yn leim yn parhau.

Elfen arall bwysig yw fod y rhan fwy o’r nwyddau’n cael eu cynhyrchu’n lleol, gyda Hefin Jones o Argraff Delyn Print ger Llandysul yn helpu’r Pwyllgor Gwaith i ddewis a ffeindio nwyddau.

“Rydyn ni wrth ein bodd fod ein nwyddau mor ffasiynol,” meddai Rhian Dafydd, Cadeirydd y Pwyllgor Cyhoeddusrwydd. A hithau’n berchen ar gadwyn siopau Ji-binc a Jac-do, mae’n deall y maes yn berffaith.

“Mae’r nwyddau’n gosod cywair ar gyfer yr Eisteddfod ac mae ein dewis ni o liwiau yn dangos y bydd yr Eisteddfod yn fodern, yn fywiog ac yn llwyddiant llachar!”

Rhagor o wybodaeth: Rhian Dafydd – 07815 324857.

Digwyddiadau i godi arian i 2010

Gorffennaf 6 - Oedfa o Fawl yng Nghapel Shiloh Llambled am 7y.h. Elw tuag at Apêl Eisteddfod yr Urdd Ceredigion 2010.

Hydref 1 - Sioe Ffasiynau gan Cameo yn Theatr Felinfach. Elw tuag at Apêl Plwyf Troedyrur.

Hydref 10fed - Ocsiwn Addewidion i’w chynnal yng Nghefnhafof, Gorsgoch ar y 10fed o Hydref 2008 os ydych yn dymuno cyfranu tuag at y noson mewn unrhyw ffordd, cysylltwch â Caryl 01570 481036 neu Wendy ar 01570 481153. Gwerthfawrogwn unrhyw gyfraniad. Er budd Pwyllgor Apêl Eisteddfod yr Urdd 2010 Plwyf Llanwenog a Llanwnnen

Hydref 18 - Cyngerdd Corau Meibion Unedig Ceredigion ym Mhafiliwn Ponrhydfendigaid. Elw tuag at Bwyllgor Cerdd Eisteddfod yr Urdd Ceredigion 2010.



Sibrydion Radio Luxembourg
Yr Ods Meibion Ffred Stonefree
£8 ymlaen llaw/beforehand
£10 wrth y drws/on the door

pafiliwnbont
ponrhydfendigaid

gig mawr bont 08
Mehefin 27 a 28 June

Nos Sadwrn / Saturday Night
Huw Chiswel a'r Band
Gai Toms
Gwibdaith Hen Frân
Brigyn Al Lewis
£10 ymlaen llaw/beforehand
£12.50 wrth y drws/on the door

01974 831635
Am ragor o fanylion/for more information: post@pafiliwnbont.co.uk www.pafiliwnbont.co.uk



Aeth blwyddyn arall heibio, a daeth yr amser i Redeg Marathon Llundain. Carwyn Thomas yn cael ras arbennig o dda ac yn gorffen yn safle 420 ac yn 11fed yn yr oedran i Ddynion o dan 24. Amser Carwyn oedd 2 awr 38 munud a 40 eiliad, ac yn rhedeg yn ei amser gorau. Mark Dunscombe 3 awr 5 munud a 43 eiliad, Murray Kisbee 3 awr 25 munud a 59 eiliad, Caroline John 3 awr 33 munud a 39 eiliad, a Jamie Thomas 3 awr 43 munud a 36 eiliad.

Ar wyl y banc ddechrau Mai ysgol Cwrtnewydd oedd lleoliad ras hwyl Sarn Helen. Cafodd dri o’r aelodau ras arbennig gan dorri record y cwrs, Ian Williams, Adam Bitchell a Jack Davey.

1af Dynion Ian Williams Trots 20 munud a 25eiliad, 2ail Adam Bitchell Carmarthen Harriers 21 munud 9 eiliad, 3ydd Jack Davey Carmarthen Harriers 22munud 5eiliad. Dynion 40 1af Glyn Price Sarn Helen 23 munud 17eiliadau, 2ail Tom Garrod Abingdon Amblers AC 25 munud 52 eiliadau, 3ydd Mark Dunscombe Sarn Helen 26 munud 20 eiliadau. Dynion 50 1af Richard Marks Sarn Helen 25 munud 26 eiliadau, 2ail Mark Terry Trots 26munud 39eiliadau, 3ydd Gordon Orme Cardigan 27 munud 40 eiliadau. Sarn Helen ennillodd y tîm dynion, Carwyn Thomas, Andrew Abbott, a Glyn Price.

Yn adran y merched Carys Davies Sarn Helen ddaeth yn gyntaf mewn amser 27munud 47eiliadau, 2ail Claire Cleathero Trots 29munud 3ydd Catrin Lewis Carmarthen Harriers 30munud 33eiliadau. Merched 35 1af Shan Roberts Ingli Runners 26munud 30eiliadau, 2ail Lucy Garrod Abingdon Amblers AC 30munud 47eiliadau, 3ydd Sue Lloyd Pembrokeshire Harriers 33munud 29eiliadau. Merched 45 1af Oona Crawford Trots 34munud 42eiliadau, 2ail Pauline Thomas Trots 34munud.35eiliadau. 3ydd Pauline Charlett Pembrokeshire Harriers 37 munud 15eiliadau.

Ras plant ysgol gynradd 1af Jack Parkinson Pembrokeshire Harriers, 2ail Alan Davies Sarn Helen, 3ydd Osian Thomas Carmarthen Harriers. Merched 1af Alice Russell-Stretch Pembrokeshire Harriers, 2ail Lois Davies Blaengwynfi, 3ydd Lois Alwyn Llandysul. Bechyn dan 16, 1af Davy Lewis Carmarthen Harriers, 2ail Rhys Evans Sarn Helen, 3ydd Hefin Jones Sarn Helen. Merched 1af Kari O’Neill Carmarthen Harriers, 2ail Sian Davies Llangeitho, 3ydd Rhian Jones Sarn Helen.

Ennillwyr y ras o blith plant ysgol Cwrtnewydd oedd Arwel Jones, Rhodri Hatcher Rhys Davies, a Luned Medi Jones, Kelly Jones, Cerys Ann Lewis.

Cafodd Glyn Price ras dda yn Neyland gan orffen yn gyntaf yn ei oedran a Allen Watts yn y safle cyntaf i ddynion dros 70. Da iawn Allen. Hefyd daeth y bechgyn yn gyntaf yn y tîm. Glyn Price, Carwyn Thomas, Mark Dunscombe a Huw Price.

Mis prysur yw mis Mai i redwyr y clwb a daeth hi’n amser i Ras fawr ‘Sarn Helen Hill Race’. Ras rhewl, caeau a’r mynydd am 16.5 o filltiroedd. 66 o redwyr yn cwblhau’r cwrs. Roedd y ras yn cael eu noddi gan Jones Bros Cigydd, Stryd y Coleg Llanbed a Dŵr Tŷ Nant.

Dynion Agored 1af Steve Rees o Port Talbot Harriers mewn amser da o 1awr 48 munud 56 eiliadau 2il Mike Evans Caerdydd 1 awr 51munud 18 eiliadau. Dynion 40 1af John Atyeo Witney Road Runners 1awr 52munud 51 eiliad, 2il Glyn Price Sarn Helen 1awr 54munud 33 eiliadau. Dynion 50 1af Richard Marks Sarn Helen 2 awr 13 munud 49 eiliadau 2il Goff Oldrid Aberystwyth AC 2 awr 24 munud 13 eiliadau.

Enillwyd y tîm gan Sarn Helen – Carwyn Thomas, Glyn Price, Michael Davies a Mark Dunscombe.

Shan Roberts o Ingli Runners oedd y cyntaf nôl o’r merched 35 mewn amser 2 awr 9 munud 50 eiliadau, 2il Caroline John Sarn Helen 2 awr 22 munud 45 eiliadau. Merched agored 1af Lousie Barker Aberystwyth AC 2 awr 12 munud 14 eiliadau. 2il Phoebe Webster UWA Harriers 2 awr 16 munud 5 eiliad. Merched 45 1af Mandy Jones Islwyn 2 awr 26 munud 24 eiliadau. 2il Helen Williams Trots 2 awr 32 munud 13eiliadau.

Rhodd arbenig i redwr gorau y clwb yn mynd i Carwyn Thomas.

Adran y Plant ysgol gynradd 1af Alan Davies Sarn Helen 13munud 49 eiliadau, 2il Rhydian Evans Sarn Helen 15 munud 15 eiliadau, 3ydd Finley Sharratt 18 munud 16 eiliadau. Merched 1af Caitlin Page Sarn Helen 14 munud 5 eiliad 2il Katja Birkett 17 munud 15 eiliadau 3ydd Lleucu Ifans 18 munud 26 eiliadau.

Bechgyn dan 15 1af Heulyn Evans Sarn Helen 15 munud 15 eiliadau, 2il Maclain Sharratt 18 munud 1 eiliad, Merched 1af Natalie Jones Sarn Helen 17 munud 6 eiliad.

Bechgyn dan 18 1af Gethin Jones Sarn Helen 27 munud 11 eiliadau, 2il Jerome Evans Port Talbot Harriers 27 munud 32 eiliadau, 3ydd Kyle Fulcher 31 munud 23 eiliadau.

LLEOL I MI	Canolbarth	PAPURAU BRO
NEUADD COFFA		
Mae rhannau o’r rhifyn hwn o CLONC ar safwe Cymru’r Byd y BBC: www.bbc.co.uk/cymru/canolbarth/papurau_bro/clonc		

Cwmann

Llongyfarchiadau

Llongyfarchiadau i Cerys Roberts, Caeronnen am gael ail yng nghystadleuaeth dylunio a thechnoleg oedran Blwyddyn 9 yn eisteddfod genedlaethol Urdd Gobaith Cymru yn Sir Conwy.

Graddio

Llongyfarchiadau calonnog i Geinor Medi, Bryndolau, Cwmann ar ennill Gradd Meistr mewn Iechyd Cyhoeddus (MPH) ym Mhrifysgol Caerdydd. Bu Geinor Medi yn astudio'n rhan amser. Pob dymuniad da i'r dyfodol.

Cor Meibion Cwmann a'r Cylch

Ar nos Sadwrn 3ydd o Fai cynhaliwyd y Cinio Blyneddol yng ngwesty'r Porth, Llandysul. Cafwyd croeso mawr a chinio bendigedig. Ar ôl y ginio cafwyd anerchiad byr gan lywydd y Côr sef Mr Alun Williams, Crown Stores. Diolchodd am yr anrhydedd a soniodd sut 'roedd yn gwerthfawrogi'r teithiau a oedd ef a'i briod wedi eu gwneud gyda'r Côr dros y blyneddodd ac fel yr oedd yn gobeithio bod ar y daith i Neuadd Albert, Llundain Mis Mawrth 2009. Diolchodd y cadeirydd, Arthur Roderick, i'r gwesty am y cinio ac i Dannie Davies am wneud y trefniadau. Defnyddiodd yr achlysur i ddiolch i aelodau'r côr am eu teyrngarwch a'u ffyddlondeb ac i'r swyddogion i gyd am eu gwaith clodwiw ar hyd y blyneddodd. Diolchodd yn arbennig i'r arweinydd, Mrs Elonwy Davies ac i'r cyfeilydd Miss Elonwy Pugh am eu gwaith mawr a chyson. Soniodd am edmygedd a gwerthfawrogiad yr aelodau o'u llafur caled.

Cyflwynodd roddion i'r ddwy fel arwydd o werthfawrogiad y côr o'u llafur diflino. Keri Davies oedd yng ngofal y raffl. O dan ofal yr is-gadeirydd Cyril Davies, cafwyd adloniant diddorol gan aelodau o'r côr. Fel arfer mae'r côr yn cael amser prysur gyda llun o alwadau am gyngherddau. Yn ystod y pedwar mis nesaf mae galw am ei gwasanaeth mewn cymanfaoedd canu a hefyd mewn priodasau. Mae rhif y côr yn dal yn uchel er ei fod wedi cael colledion trwm yn ystod y Gaeaf. Rydym wedi cael sut bleser a mwynhad dros y blyneddodd yn teithio ar hyd y wlad ac yn wir ar hyd y byd fel ein bod yn teimlo bod yna gyfrifoldeb arnom i sicrhau parhad y côr er mwyn mwynhad cenedlaethau i ddod. Er mwyn gwireddu hyn gwahoddir yn gynnes iawn aelodau newydd i ymuno â ni a gellir sicrhau oriau o ddiwylliant, adloniant a mwynhad i bob un. Cofier, mae'r côr fel un teulu mawr estynedig sy'n ofalus am bob aelod, boed hen neu ifanc. Cysyllter â'r cadeirydd 422361 neu'r ysgrifennydd 422425

Cydymdeimlo

Estynnwn ein cydymdeimlad a Mrs Bessie Lloyd, 14 Heol Hathren ar farwolaeth ei brawd ym Mhenparcau, Aberystwyth.

Diolch

Dymuna Gwennie a Jeff Douch a'r teulu Glynderi ddiolch am bob arwydd o gydymdeimlad, galwadau ffôn, blodau a'r llu cardiau a dderbyniwyd ar farwolaeth brawd a chwaer sef Mrs Betty Evans a Mr Hughie Rees yn gymharol ddiweddar

Pen-blwydd arbennig 18

Llongyfarchiadau i Carwyn Lewis, 18 Heol Hathren, Ffion Evans, Esgair Eiddig, Tyrone Hargreaves, 17 Heol Hathren a Carl Randell, Maes yr Hendre. Pob lwc i'r dyfodol.

Diolch

Dymuna Mr Arthur Jenkins, 26 Heol Hathren ddiolch i bawb am y cardiau a'r anrhegion a dderbyniodd ar achlysur ei ben-blwydd yn 80 oed.

Cydymdeimlo

Trist oedd clywed am farwolaeth sydyn Mr Barry Watkins, 4 Heol Hathren. Estynnwn ein cydymdeimlad â Morina, Terence a'r teulu o golli priod, tad a thad-cu annwyl. Hefyd â Mrs Lena Williams a'r teulu, 39 Heol Hathren o golli ei brawd.

Diolch

Dymuna Endaf a Gwyneth, Lletyrdderwen ddiolch i bawb am y llun cardiau, blodau a'r anrhegion a dderbyniwyd ar achlysur eu priodas Ruddem.

Diolch

Dymuna Mrs Ruthie Williams, Rhiwlas ddiolch i bawb a gofiodd am ei phen-blwydd arbennig yn 80 oed. Diolch am y llun cardiau, blodau a'r anrhegion a dderbyniodd a'r ffrindiau a alwodd heibio ar y diwrnod. Mi gefais amser bendigedig yng nghwmni'r teulu. Diolch yn fawr.

Diolch

Dymuna Islwyn, Gwêl y Coed ddiolch i bawb am y galwadau ffôn i Seland Newydd ac ar ôl dod adref. Diolch am gefnogaeth teulu a ffrindiau, cardiau a'r anrhegion. Rwyf yn teimlo yn well ac yn edrych nôl ar yr amser da gefais i ac Anita yn crwydro Seland Newydd a gwyllo Anwen yn ennill medalau arian ac efydd ar y Bowls. Diolch i bawb.

Diolch

Hoffai Carwyn Lewis, 18 Heol Hathren ddiolch yn fawr i bawb am y cardiau, arian a'r anrhegion a dderbyniodd ar ei ben-blwydd yn ddeunaw oed ar Mai 8fed.



Llongyfarchiadau i Mared Wyn Owen (Ysgol Gynradd Carreg Hirfaen) ar gyrraedd rownd derfynol Ras Blwyddyn 3 Urdd Genedlaethol Cymru a gynhaliwyd yn Aberystwyth ym mis Mai ac ar ennill y chweched safle o blith y 67 o redwyr o Gymru benbaladr a gymerodd ran.

Diolch

Dymuna Gareth Young, Pentwyn, Cwmann, ddiolch o galon am y llun o gardiau a rhoddion a dderbyniodd ar achlysur ei ben-blwydd yn ddeunaw oed ar 24ain Ebrill. Gwerthfawrogi eich caredigrwydd yn fawr iawn.

Clwb 170

Enillwyr Mai: 1. Mrs Audrey Bonner, Stryd y Bont, Llambled, 2. Miss Gwen Jones, Derry More, Cellan, 3. Mrs M. McMullen, 44 Heol Hathren, 4. Mr Irfon Williams, Bryneiddig, 5. Mr Julian Evans, Dan y Wenallt, Llambled, 6. Womens' Workshop, Neuadd yr Eglwys, Cwmann, 7. Mrs Nora Arrowsmith, Neuadd Fach, 8. Mrs Ceinwen Evans, Felinfach, Cwmann, 9. Mrs Marian Roberts, Cyswllt, 10. Mrs Kate Williams, Sarnhelen.

Pwyllgor Pentref Clwb 225

Enillwyr Mai: 1. Mr Aled Davies, Tremle, 2. Miss Einos Jones, Felindre Uchaf, 3. Mr Ronnie Roberts, Bryn View, Parc y Rhos, 4. Ian, Bryngolau, Cwmann, 5. Mr Iwan Griffiths, Pantfud, Esgairdawe, 6. Mrs Vera Edwards, Heol y Maes, Pencarreg, 7. Mr & Mrs Wynford Edwards, Doleunant, Parc y Rhos, 8. Mrs Sallie Jones, Hathren, Stryd y Bont, Llambled, 9. Mertyn James, St. Thomas Street, Llambled, 10. Roger Davies, Glenmor.

Ymddiheuriad

Ymddiheuriadau am beidio cynnwys llun Endaf Morgan yn y rhifyn diwethaf. Roedd yn cynrychioli Pwyllgor y Pentref yn y cyngerdd llwyddiannus a gynhaliwyd yn Neuadd Sant Iago.

Cwmsychpant

Priodas Arian

Llongyfarchiadau i Eifion ac Elenid Jones, Talar Wen ar ddathlu eu Priodas Arian yn ystod y mis.

Cymanfa Ganu

Yn wahanol i'r arfer nid unigolyn fu'n darllen emyn allan yn y Gymanfa ar ran Capel y Cwm ond eleni cafwyd Parti Ysgol Sul y Cwm yn canu'r gân 'Os wyt ti'n hapus.'

Genedigaeth

Llongyfarchiadau i Ffion Cilgwyn a Dai ar enedigaeth merch fach, wyres fach newydd i Keith a Julie, Cilgwyn.

Penblwydd Arbennig

Gobeithio fod Mrs Olive Davies, Arosfa wedi mwynhau ei diwrnod wrth iddi ddathlu ei phenblwydd yn 75 oed.

Cydymdeimlo

Cydymdeimlwn â theulu y diweddar Hazel Davies, San Clêr, [un o blant y Cwm] a fu farw yn ystod y mis.

Swydd Newydd

Llongyfarchiadau i Einir Ryder, Tyngrug-ganol ar ei phenodi yn athrawes y Cyfnod Sylfaen yn Ysgol Gynradd Aberbanc. Pob dymuniad da i ti ym mis Medi.

Cellan

Penblwydd Hapus

Pen blwydd hapus hwyr i Anwen James, Brynhyfrd ar ei deunawfed fis diwethaf. Gobeithio i ti fwynhau'r dathlu.

Llangyfarchiadau

Llongyfarchiadau mawr i aelodau gweithgar Sefydliad y Merched Cellan ar eu llwyddiant yn Rali'r Sir yn ddiweddar. Dyma'r tro cyntaf iddynt gystadlu ers blyneddodd-pob hwyl i chi y flwyddyn nesaf!

Priodas

Llongyfarchiadau gwresog i Martin a Chris Lambert a fu'n dathlu eu priodas arian yn ystod y mis.

Gweinidog Newydd

Cynhaliwyd Cwrdd sefydlu Gweinidog newydd Caeronnen ar ddydd Sul yr 11eg o Fai. Daeth tyrfa dda ynghyd i sefydlu Y Parchedig Cen Llwyd a chafwyd te arbennig o flasus yn Neuadd y Mileniwm.

Priodi

Pob hwyl i Avril Carter, Crud-y-Gwynt gynt sydd yn priodi ddiwedd Mehefin â Kieran Gartland. Pob bendith iddynt yn eu cartef yn Nhrherbert, Cwmann.



Enw: Helen Roberts
Oed: 24 oed
Pentref: Llambled
Gwaith: NNEB yn Ysgol Ciliau Parc, Ciliau Aeron
Partner: Euros Davies
Teulu: Ronnie (Dad), Ann (mam), Aled (brawd) a Sian (chwaer)

Unrhyw hoff atgof plentyndod.
Mynd ar wyliau yn y garafán gyda fy nheulu i Ddinbych y Pysgod ac i Iwerddon.

Hoff raglen deledu pan oeddet yn blentyn.
Sabrina the Teenage Witch a Hapus Dyrfa!

Yr eiliad o'r embaras mwyaf.
Pan wnes i gerdded mewn i biler mawr ar y stryd yng nghanol Caerfyrddin (pan oeddwn i'n blentyn wrth gwrs!!)

Y peth pwysicaf a ddysgest pan oeddet yn blentyn.
I barchu a bod yn gwrtais bob amser.

Y CD cyntaf a brynast di erioed?
Mariah Carey o Stiwdio, Llambled.

Pan oeddet yn blentyn, beth oeddet eisiau bod ar ôl tyfu?
Dynes trin gwallt a hefyd i fod yn enwog a lot o arian!!

Y peth mwyaf rhamantus a wnaeth rhywun i ti erioed?
Pan ofynnodd Euros i mi ei briodi!!!!

Pryd a ble wyt ti mwyaf hapus?
Gyda fy nghariad Euros a gyda fy nheulu a'm ffrindiau.

Beth yw dy lysenw?
Hels.

Beth sy'n codi ofn arnat?
Corynnod a llygod.

Pa fath o berson sy'n mynd o dan dy groen?
Person dauwynebog.



Sut fyddet ti'n gwario £10,000 mewn awr?
Ar hyn o bryd, talu popeth i'r briodas!

Unrhyw ofergoelion?
Dim mynd o dan ysgol.

Beth yw dy gyfrinach i gadw'n bert?
Sain siŵr iawn. Ond dwi yn trial edrych ar ôl fy nghroen.

Beth yw dy gyfrinach i gadw'n heini?
Aerobics, rhedeg a cherdded.

Beth yw'r cyngor gorau a roddwyd i ti?
Prynu tŷ.

Yr eiliad a newidiodd dy fywyd.
Pan brynais dŷ gydag Euros a dechrau talu biliau.

Disgrifia dy hun mewn tri gair.
Hapus, Cariadus, sensitif.

Pa gar wyt ti'n gyrru?
Peugeot 206

Gyda phwy fyddet ti'n hoffi bod yn sownd ar ynys anghysbell?
Daniel Carter (Chwaraewr rygbi Seland Newydd) heb anghofio am Euros wrth gwrs!

Beth yw'r cludfwyd o'th ddewis?
Chinese

Beth wyt ti'n ei ddarllen?
Cylchgronau Ok a Closer.

Beth yw dy hoff arogl?
Persawr.

Sut wyt ti'n ymlacio?
Bath twym a gwrando ar gerddoriaeth.

Hoff wefan.
Facebook

Pa ffilm welaist ti ddiwethaf?
'The Bank Robbery' ac yr oedd yn ffantastig.

Pa un peth fyddet ti'n newid am dy hun?
Hyder.

Beth fyddet ti'n achub petai'r tŷ'n llosgi'n ulw?
Dim - jyst rhedeg digon pell. Ond os fyddde Euros tu fewn - fe wrth gwrs.

Oes yna rywbeth na elli di ei wneud y byddet ti'n hoffi ei gyflawni'n dda?
Marchogaeth Ceffylau.

Beth sy'n rhoi egni i ti?
Bwyd.

Beth sy'n rhoi ysbrydoliaeth i ti?
Gweld plant fy nheulu yn llwyddo mewn niferoedd o wahanol bethau.

Pa gerddoriaeth yr hoffet ti yn dy angladd?
'Hero' gan Mariah Carey.

Oes bywyd ar ôl marwolaeth?
Oes gobeithio!

Ar beth rwyd ti'n gorwario arno fwyaf?
Dillad.

Pa beth wyt ti'n ei drysori fwyaf?
DILLAD

Pwy sy'n ddylanwad arnat ti?
Dad.

Y gwyliau gorau?
Pan es i gyda fy ffrindiau ar ôl gorffen TGAU i Magaluf.

Arferion gwael?
Cnoi ewinedd

Beth yw'r peth diwethaf wyt ti'n 'neud cyn mynd i'r gwely?
Glanhau croen fy wyneb.

Ble fyddi di mewn deng mlynedd?
Dal yn Llambled siŵr o fod.

Testun Cyfrinachau'r rhifyn nesaf:
Kevin Thomas, Cwmann

Swdocw

Sut i chwarae – Rhaid i chi gwblhau'r grid gyda phob colofn, pob rhes a phob boc yn cynnwys y rhifau 1-9

Enw _____
Cyfeiriad _____
Cod post _____
Rhif Ffôn _____

Atebion i: Tŷ Cerrig, Cwmann, SA48 8ET
Gwobr: Pecyn Nwyddau Clonc
I'r ateb cywir cyntaf allan o'r het.

		1		3			
2		7				3	9
5			8			4	
6			2	5	3		
	2			8			9
			7	9	4		2
		6			2		3
3	7					2	8
				4		5	

- Atebion Swdocw Mis Mai**
Enillydd: **Megan Jones**, Llwynbedw,
Alltyblaca. Diolch i bawb arall am
gystadlu: **Hugh Evans**, Llanybydder,
Mary Jones, Stryd y Bont, Llambled,
Glenys Thomas, Llanybydder, **Kay Davies**, Heol-y-Gaer, Llanybydder,
Avril Williams, Cwmann, **Iona Warmington**, Llandaf, Caerdydd,
Bethan Williams, Heol-y-Gaer, Llanybydder, **Glenys Davies**, Rhydybont, Llanybydder, **Jean Griffiths**,
Cwrtnewydd, **Dan Jones**, Llanwenog, **Sian Gaunt**,
Peterwell Terrace, Llambled, **Dafydd Ifans**, Penrhyn-coch,
Aberystwyth, **Marian Evans**, Cwmann, **Luned Jones**,
Blaencwrt, Llanwnnen, **Lynda Jones**, Gorsgoch, **Euronwy Doughty**, Llanybydder, **Betty Prydderch**, Llanllwni ac
Eurwyn Davies, Heol-y-Gaer, Llanybydder.

7	1	6	3	5	2	8	4	9
8	9	3	7	6	4	2	1	5
5	2	4	1	8	9	7	3	6
9	3	5	8	4	6	1	7	2
1	4	7	5	2	3	9	6	8
2	6	8	9	1	7	4	5	3
6	7	9	2	3	1	5	8	4
3	5	1	4	9	8	6	2	7
4	8	2	6	7	5	3	9	1

Taith Gyfnewid i Ogledd Iwerddon - Ebrill 2008

Ar ddechrau Ebrill eleni teithiodd dwy o ferched Sir Gâr sef Louise Jones o Glwb Cwmann a Rachel Hughes o Glwb Llangadog ac un o Geredigion sef Einir Ryder o Glwb Pontsian draw dros y don i'r Ynys Werdd. Pwrpas y daith oedd ymweld â Chlybiau Ffermwyr Ifanc Ulster ac i gynrychioli Cymru yng Nghyfarfod Cyffredinol Ulster. Bu Clonc yn ddigon lwcus i glywed yr hanes gan y ddwy o'r ardal hon sef Louise ac Einir.



C: Sut brofiad oedd clywed eich bod wedi cael eich dewis?

L: Roeddwn wedi cynhyrfu'n lan ond roeddwn hefyd yn nerfus iawn. Ond ar ôl cael yr alwad ffôn gan Andrew Garrett fy ngwesteigr am y bythefnos, y noson cyn i mi fynd a darganfod fy mod i'n mynd i fod yn aros gydag Einir am y bythefnos, roeddwn yn teimlo

llawer gwell gan fy mod yn adnabod Einir ers dyddiau ysgol.

C: Ble oeddech yn aros?

E: Roedd Lousie a minnau yn aros gyda'n gilydd ar fferm odro ym Millisle, a Rachel ar fferm ger Portrush. Roedd cartref ein gwestai ni, Andrew Garrett, yng nghalon Ballywalter, County Down ac yng nghwmni ffermwyr ifanc bywiog a byrlymus Ballywalter y buom am gyfnod o bythefnos. Cafwyd llawer o hwyl yng nghwmni'r aelodau hyn gan ddod i adnabod eu teuluoedd a llawer o gymeriadau difyr a diddorol ar draws Ulster gyfan. Roedd y bythefnos yn un prysur dros ben a chafwyd cyfle i ymweld â nifer o fannau diddorol a hanesyddol yn Ulster a dysgu llawer am yr ardal, ei thraddodiadau a'i diwylliant.

C: Oes unrhyw droeon trwstan yn aros yn y cof?

E: I ddechrau, yn ystod ein hail ddiwrnod ym Mallywalter, torrodd car Andrew i lawr pan oeddem ar ein ffordd i weld yr arfordir 'Ards Peninsula' a bu'n rhaid i ni wthio'r car am adref. Yna'r noson honno aethom i weld gêm rygbi rhwng Ulster a Connacht a hithau'n bwrw hen wragedd a ffyn - roedd hi'n union fel bod adref yn y tywydd gwael!

C: Sut le oedd Belfast?

E: Un diwrnod sydd yn aros yn y cof yn glir yw'r diwrnod pan aethom ar daith bws awyr agored o gwmpas Belfast gan ddysgu llawer am orffennol cythryblus y dref hanesyddol hon. Roedd gweld yr holl furluniau ar waliau'r dref yn olygfa brydferth oedd yn procio'r gydwybod, ond eto roedd y murluniau yn darlunio digwyddiadau gwaedlyd ac ysgytwol yr ardal pan oedd yr IRA yn ei anterth.

L: Roedd yn ddiddorol gweld y muriau lliwgar a oedd o amgylch y ddinas, er bod yna rai lluniau a oedd yn codi dychryn arnaf. Roedd yn rhyfedd gweld y tai a'r barics sydd wedi cael eu gadael yn wag ar ôl i'r milwyr Prydeinig fynd adref yn ôl y rhaglen heddwch. Roedd yn rhyfedd hefyd mynd trwy'r gwahanol strydoedd gyda'r ffensys a'r weiren bigog, a'r cyflwynydd yn adrodd ein bod nawr yn yr adran 100% Catholig yna yn y stryd nesaf ein bod yn yr adran 100% Protestanaidd.



C: Beth adawodd yr argraff fwyaf arnoch?

L: Un o'r diwrnodau mwyaf diddorol oedd pan gawsom fynd i ymweld â Stormont sef adeilad seneddol Gogledd Iwerddon. Cawsom daith o amgylch y lle cyn cael mynd i weld y senedd yn pasio deddf a chwrdd â Dr Ian Paisley a chael ein llun wedi ei dynnu gydag ef. Roedd yn ddiddorol hefyd oherwydd roedd Stormont ar y newyddion y noson honno oherwydd bod grŵp a oedd wedi bod yn Stormont ar yr un adeg â ni wedi ceisio dod â chyllyll pum modfedd i mewn i'r adeilad.

E: Uchafbwynt y pythefnos wrth reswm oedd y Cyfarfod Cyffredinol Blynnyddol pan fuom yn aros mewn gwesty chwe seren a chael croeso tywysogaidd gan weddill aelodau Ulster. Yn debyg iawn i Gyfarfod Cyffredinol Cymru roedd hi'n benwythnos hwylus gyda thema "Carry On" ar y noson gyntaf pan benderfynais i wisgo fel merch o'r jyngl. Yn ystod y swper y noson hon, bûm yn eistedd ger Gweinidog Iechyd Llywodraeth Iwerddon sef John McAlister, a fu yn dadlau â mi bod pob Cymro neu Gymraes yn dod o'r cymoedd! Fe ddysgodd lawer am Gymru a'i phobl erbyn i mi orffen siarad ag ef, credwch chi fi! Yna yn ystod y dydd Sadwrn roedd y cyfarfod ei hunan gyda swyddogion Ulster yn cymryd rhan mewn cystadleuaeth "Strictly Come Dancing" yn Dawnsio Gwyddelig. Yna i ddilyn cafwyd cinio moethus a chrand yn ystod y nos. Roedd y penwythnos hwn yn un prysur a hwylus gyda phawb yn groesawgar a chyfeillgar dros ben.

C: Sut fydddech chi'n cymharu Cymru ac Iwerddon?

L: Ar ôl cyrraedd Gogledd Iwerddon dysgais yn gyflym fod y bobl yn llawer mwy ffwrdd â hi na ni yng Nghymru. Dysgais hefyd fy mod i'n aros ar y fferm a gafodd y robot godro gyntaf yng Ngogledd Iwerddon. Roedd gweld y robot yma'n ddiddorol iawn, yn enwedig o weld faint o waith yr oedd yn arbed i'r ffermwr a pha mor rhwydd oedd y system yn gweithio. Roedd gan y teulu tua 100 o dda, ac oherwydd bod ganddynt y robot roedd ganddynt lawer mwy o amser i wneud gwaith arall oedd ei angen ar y fferm. Oherwydd hyn roedd mab y fferm yn gallu mynd i weithio gyda ffermwr arall.

E: Roedd tywydd County Down yn debyg iawn i Gymru, ond nid y tywydd yn unig oedd yn debyg ond roedd enwau rhai trefi hefyd yn debyg. Ar nifer o achlysuron mi fuom am noson allan i fwynhau lemonêd neu ddau (wir yr!!) mewn tref o'r enw Bangor. Roedd hyn yn ein hatgoffa o Gymru yn gyson. Buom hefyd mewn amgueddfa werin a thrafnidiaeth yn ystod yr wythnos gyntaf - digon tebyg i'n San Ffagan ni - gan weld holl adeiladau'r cyfnod yn ogystal â channoedd o geir, bysiau a beiciau o fewn un adeilad.

C: Unrhyw beth arall?

L: Hoffwn ddiolch i bawb a wnaeth gefnogi a rhoi'r cyfle i ni gael y profiad gwerthfawr yma. Roedd yn brofiad hynod arbennig a byddwn yn annog pob aelod o'r Mudiad i fanteisio ar y teithiau tramor sydd yn cael eu cynnig yn flynyddol.

E: Profiad bythgofiadwy. Os gewch chi'r cyfle i fynd i'r ardal hon - ewch 'da chi!

Silian

Llwyddiant

Llongyfarchiadau calonnog i Elliw Mair, Gwarffynnon ar ennill y wobr gyntaf yng nghystadleuaeth llefaru 12 – 15 oed yn Eisteddfod Pontrhydfendigaid yn ddiweddar. Llongyfarchiadau hefyd i Aron ei brawd am gipio'r drydedd wobr yn yr unawd 10 – 12 oed. Pob lwc i'r ddau i'r dyfodol.

Bwletîn

Gêm banel hwyliog
Radio Cymru

Clwb Rygbi

Llanbedr Pont Steffan
Nos Iau Mehefin 12, 7.30yh

Gary Slaymaker yn cyflwyno
Kevin Davies, Dewi Pws,
Caryl Parry Jones
a Jâms Thomas
Am fwy o fanylion
ffoniwch 08703 500 600
Os oes gan unrhyw un
ofynion arbennig
ynglŷn â mynediad
cysylltwch efo ni.

HYSBYSEBU YN CLONC

"Mae mwy a mwy yn gweld gwerth mewn hysbysebu yn y Papur Bro." Amcangyfrifir bod tua 3,000 o bobl yn darllen CLONC.

£10.00 am floc bach.
£25.00 am chwarter tudalen.
£50.00 am flwyddyn o flociau bach.

Cysylltwch ag Ysgrifenyddes CLONC
am ragor o wybodaeth:
01570 480015
ysgrifennydd@clonc.co.uk

CINIO ELUSEN

Green Acres, Llanllwni

Gyda Phill Doyle
a Deryc Rees

Mehefin 15fed 2:00y.p.

Bwyd ac Adloniant £25.00

Mynediad drwy docyn yn
unig
Er budd LATCH – Elusen
Cancr Plant Cymru ac
Ambiwllans Awyr Cymru

Ffoniwch 01559 395235 am
docyn

Cwrtnewydd

Penblwyddi Arbennig

Penblwydd hapus i Emlyn Davies, 4 Heol y Bryn a fydd yn dathlu ei benblwydd in 65oed ar ddechrau mis Mehefin. Hefyd, pob dymuniad da i chi ar eich ymddeoliad o Chwarel Alltgoch.

Hefyd, penblwydd hapus i Margaret Jones, Cae Glas a fydd yn dathlu ei phenblwydd yn 60 yn ystod y mis. Mwynhewch y parti!

Ysgol Cwrtnewydd

Daeth clwb ffermwyr ifanc Llanwenog ynghyd â rhieni a phlant yr ysgol i beintio ardal y plant bach. Mae tu blaen yr ysgol bellach yn lliwgar iawn a'r plant wrth eu bodd yn mwynhau yn yr heulwen. Diolch yn fawr i bawb a fu wrthi, a diolch yn fawr i Western Power am ariannu y gwaith.

Ar bob prynhawn Mawrth fe gynhelir clwb garddio yn yr ysgol. Rydym bellach wedi plannu yr holl blanhigion o amgylch yr ysgol ac yn edrych ymlaen iddynt flodeuo. Y cam nesaf fydd plannu y llysiau yn yr ardd, ein gobaith yw tyfu digon er mwyn coginio cawl yn yr hydref. Diolch i bawb am eu rhoddion hael i'r clwb.

Lansiwyd y cylch Ti a Fi, mae bellach yn mynd o nerth i nerth. Cofiwch mae croeso i bawb i'r cylch, sydd yn cwrdd pob prynhawn Mawrth (yn ystod y tymor) yn Neuadd yr ysgol rhwng 1.15 a 3.30. Derbyniwyd grant gan CAVO er mwyn sefydlu y cylch.

Fe fu plant blynyddoedd pump a chwech yn ymweld â'r ysgol Uwchradd. Blwyddyn pump yn cael diwrnod o fabolgampau a blwyddyn chwech yn cael eu cyflwyno i'r ysgol. Fe fu plant blwyddyn chwech yn cymryd rhan mewn gweithgareddau aml sgiliau chwaraeon yn ysgol Ffynnonbedr.

Bu dosbarth Miss Jones ar daith gyda phlant Capel Dewi i Gei Newydd yn ddiweddar. Er y glaw fe gafodd pawb amser da ar y traeth, ymweld â gorsaf y bad achub ac wrth gwrs bwyta hufen iâ. Ar yr un diwrnod fe fu dosbarth 3,4,5 a 6 ysgol Capel Dewi yn cymeryd rhan mewn nifer o weithgareddau gyda ni yma yn ysgol Cwrtnewydd.

Fe ddaeth y dydd unwaith eto eleni a gyda'r haul yn tywynnu ar ysgol Cwrtnewydd cafwyd diwrnod llwyddiannus a hwylus iawn. Daeth y gymuned gyfan a thu hwnt i gefnogi'r diwrnod, rheddodd mwy na 150 o bobl yn ystod y diwrnod a thorrrwyd ambell i record. Cafwyd gwerthiant anhygoel yn y ffair, a phrofwyd hwyl a miri yr arwerthiant unwaith eto eleni. Hoffai'r ysgol ddiolch yn fawr i bawb am eu cyfraniad, yn enwedig CRhA yr ysgol a fu wrthi yn ddiwyd wrth baratoi a sicrhau rhediad hwylus y dydd. Llwyddwyd i godi dros £6000 o bunnoedd ar y diwrnod. Diolch yn fawr.

Fe noddwyd y raffl ar ddydd Calan Mai gan Fanc Barclays dan gynllun 'Punt am bunt'. Dyma Lynda Jones, Barclays Llambod yn cyflwyno siec i aelodau'r Gymdeithas rieni ac athrawon.

Yn ystod bwrlwm Calan Mai cafwyd cyfle i dawelu a chofio am gyn bennaeth hoffus yr ysgol sef Mrs Sulwen Lloyd Thomas. Wedi'r newyddion trist am ei marwolaeth fe benderfynodd criw o gyn staff yr ysgol, a fu'n cwrdd yn aml i giniawa, mai braf buasai gosod cwpwrdd yn ysgol er cof amdani. Felly yn ystod Calan Mai fe



ddadlennwyd y cwpwrdd sydd wedi ei osod yng nghyntedd yr ysgol. Diolch yn fawr i'r unarddeg am eu rhodd caredig, rydym yn ei werthfawrogi a'i barchu yn fawr.

Daeth holl ysgolion yr ardal i gymryd rhan yn gemau potes yr Urdd. Cafwyd diwrnod braf iawn gyda'r holl blant (mwy na 300 ohonynt) wedi mwynhau yn hwyl y diwrnod.

Llongyfarchiadau i Meinir, Luned, Alysha a Rhian, tîm cwis llyfrau yr ysgol, a ddaeth yn ail yng nghwis llyfrau Ceredigion ar gyfer 2008. Gwych!

Clwb Ffrindiau'r Ysgol: Mis Mai 2008 £10.00 – Eric Rees, Rhosdir, Bwlchfadfa, £5.00 – Lloyd Thomas, Milford, Cwrtnewydd, £2.50 – Alan Jenkins, Tyllwyd, Llanbedr Pont Steffan, £2.50 – Dewi a Sian Jones, Blaenhirbant, Cwmsychbant.

Wedi cyfnod o unarddeg mlynedd yn gweithio yn yr ysgol mae Carol Rees, ein gofalwraig, yn gorffen gyda ni yma yn yr ysgol. Mae ein diolch yn fawr iawn iddi am ei holl waith diflino ac edrychwn ymlaen i gwrdd â'r babi cyn hir.

Yn ymuno â'r staff mae Mrs Elin Jones a fydd yn dysgu yn nosbarthiadau Mr Ward a Miss Jones, dymunwn pob hwyl iddi yn y swydd. Yn ehangu ei chyfrifoldebau yn yr ysgol fydd Mrs Eleri Jones a fydd yn cymryd y swydd o ofalu am yr ysgol.

O Cymru i'r America – Taith Peru 2008

Peru, un o wledydd anhygoel De America, sy'n gartref i un o olygfeydd harddaf y byd sef y Machu Picchu, ac fe fues yn ffodus iawn o gael ymweld â'r wlad ddiweddd mis Mawrth eleni.

Roedd yr holl beth yn her, hyd yn oed misoedd cyn mynd, oherwydd yr



oeddwn yn casglu arian tuag at elusen 'Ymchwil Cancr Cymru' - her yn ei hunan i ddweud y gwir. Yr her arall oedd hyfforddi fy hunan ar gyfer y daith. Felly bob penwythnos byddem yn teithio i wahanol ardaloedd i gerdded.

Wel daeth yr

amser i ffarwelio, a chychwyn ar fy ffordd i Heathrow yn Llundain i gwrdd â gweddill y grŵp. Nabod neb wrth gwrs ar y pryd, heblaw am un neu ddau nes i gwrdd mewn cyfarfod yn Llundain rhyw ddau fis yn gynt. Ond wrth edrych nôl nawr, beth oeddwn ddim wedi sylweddoli ar y pryd, oedd y byddai 22 o bobl dieithr yn dychwelyd yn 22 o ffrindiau wedi rhannu profiad anhygoel.

Cyrhaeddodd ddinas Cuzco Peru bore Sul, 24 awr yn hwyr oherwydd trafferthion Terminal 5 yn Heathrow. Doedd dim amser i wastraffu, - roedd yn rhaid dod yn gyfarwydd â'r uchder oherwydd roeddem wedi glanio ar 11,152 o droedfeddi ac roedd mwy i ddod!

O'r cychwyn cyntaf yr oeddwn wedi rhyfeddu â'r wlad, ei harddwch a'i phobol, ac fe sylweddolais y byddai'r daith hon yn fythgofiadwy, ac ni ches fy siomi chwaith. Fe ddechreuodd y trec tua hanner awr o dref Calca, rhyw 11,800 troedfedd o uchder yn ardal gysegredig yr Incas a cherdded lan tuag at 12,400 troedfedd trwy geunant cul Totoro, gan orffen y diwrnod drwy wersylla yn Lares. Mae'n rhaid dweud does dim byd yn well ar ôl diwrnod o gerdded na chael ymlacio mewn 'hot springs'. Dechreuad addawol iawn! Cofiwch, doedd hi ddim yn fêl i gyd, oherwydd roedd yn rhaid codi am 4.45 bob bore er mwyn cychwyn yn gynnar i bawb cael amser i gyrraedd pen y daith, a chawsom y cyfle wrth gerdded i weld prydferthwch y wlad. Y Mynyddoedd glasier a'r anifeiliaid, megis moch, Lamas ac El Pacas; cael cwrdd â thrigolion tlawd y mynyddoedd yn cynnig gwerthu anrhegion a nwyddau wedi'u creu drwy grefft llaw. Fe gawsom y cyfle i gymysgu gyda'r bobl leol hefyd, oherwydd ar yr ail noson cawsom chwarae pêl-droed gyda thrigolion y pentref ar uchder o 12,800 troedfedd, rhywbeth doeddwn i ddim yn meddwl y byddwn i'n gallu ei wneud, yn enwedig ar ôl diwrnod cyfan o gerdded.

Credaf taw un o uchafbwyntiau'r daith oedd cyrraedd uchder o 14,500 o droedfeddi, sy'n ôl bob sôn yr un peth â phetaech yn dringo hanner ffordd i fyny mynydd Everest. Uchafbwynt arall oedd ymweld â'r Machu Picchu, un o brif safleoedd archaeolegol y byd. Roeddwn wedi clywed am, a gweld y lle ar y teledu nifer o weithiau, ond roedd yn brofiad anhygoel a thrawiadol o fod ar y safle ei hunan, yn sefyll 7,872 o droedfeddi uwchben tref Aguas Calientes.

Mi roedd y bobl yn Peru yn gyfeillgar a chroesawgar iawn, ac roedd y tîm o borthwyr oedd gyda ni ar y daith wedi edrych ar ein holau yn arbennig tu



hwnt, a'r bwyd yn flasus dros ben. Taith fythgofiadwy i mi, ac y byddwn yn annog unrhyw un i wneud yr her hon; mi ddysgais lawer am y ffordd yr oeddent yn byw gan hefyd ddysgu ambell air o Sbaeneg.

Hoffwn gymryd y cyfle i ddiolch i

bawb a wnaeth fy nodd i tuag at y daith yma. I'r busnesau lleol, staff Ysbyty Glangwili, Clwb Ffermwyr Ifanc, ffrindiau a theulu. Trwy eich caredigrwydd fe wnes godi dros £3,500 tuag at Ymchwil Cancr Cymru. Arian fydd yn cael ei ddefnyddio tuag at ymchwil a datblygiad yn y maes yma. Felly diolch unwaith yn rhagor ac fel byddent yn ei ddweud yn Ne America,

'Adios por ahora' (Hwyl am y tro)

Lyn Jenkins, Brynrhosyn, Llanybydder

(Erbyn y bydd hwn yn ymddangos yn 'Clonc' bydd Lyn wedi teithio i Canada am 3 mis yn cynrychioli C.Ff.I. Cymru a Lloegr).

Llanwnnen

Cydymdeimlo

Cydymdeimlwn yn ddwys ag Alice a Dilwyn Davies, Alwyn ar farwoaleth ei chwaer yng nghyfraith sef Wendy Jones, o Bontsian.

Croeso!

Llongyfarchiadau i Carolyn a Richard, Dôl Haf, ar enedigaeth eu mab Osian.

Pwyllgor Lles

Bydd trip y Pwyllgor Lles yn mynd i Fachynlleth, Drenwydd a dychwelyd i Aberystwyth ar ddydd Mercher, 18fed Mehefin. Bws yn gadael Llanwnnen am 9:15y.b. Enwau i Gomer Lewis 480252.

Ysgol Llanwnnen

Ar benwythnos cyntaf mis Mai daeth tyrfa ynghyd ben bore yn barod i ddal bws i fynd lan i Fanceinion – un arall o dripiâu gyda Nia'n trefnu. Stopiwyd am baned o de yn y Trallwng yn ystod y bore. Yna awd ymlaen a chael cyfle i wneud ychydig o siopa mewn canolfan ar gyrion Manceinion. Nes ymlaen aethom yn ein blaenau a chyrraedd y gwesty moethus tu hwnt. Cafodd bawb gyfle i ymlacio a chael swper cyn ein bod yn mynd ar y bws unwaith eto a mynd i'r Theatr i weld y sioe gerdd 'Joseph and the Amazing Technicolour Dreamcoat' gan Andrew Lloyd Webber. Roedd y sioe yn werth ei gweld gyda sawl un o'r actorion wedi bod yn llwyddiannus ar y rhaglan deledu 'Any Dream Will Do'. Ar y dydd Sul bu sawl un yn ymlacio yn y pwll nofio cyn derbyn brecwast bendigedig! Cawsom rai oriau i grwydro o amgylch Caer, cyn troi tuag adre ddiwedd y prynhawn. Stopiwyd am bryd o fwyd blasus yn Llety Parc yn Aberystwyth cyn dychwelyd i Lanwnnen tua 8:30y.h. Cafwyd benwythnos i'w gofio unwaith eto a diolchwyd i Nia am drefnu gan Linda Davies. Mae Nia yn meddwl trefnu taith arall yn nes i ddiwedd y flwyddyn i wneud siopa 'dolig.



Yn ystod y mis bu cyffro mawr pan glywyd bod canlyniad y Cwis Llyfrau wedi dod i law. Braf yw nodi bod tim Emma Newton-Jones, Cerian Jenkins, Ffion Jenkins a Ryan Holmes wedi dod yn gydradd 3ydd gyda 192 allan o 200. Cafodd y pedwar ohonynt docyn llyfr gwerth £5 yr un. Llongyfarchiadau mawr i'r ddau dîm arall a fu'n cystadlu hefyd.



Ar ddydd Iau, 8fed o Fai aeth Ffion Jenkins a Kate Jones lawr i Goleg Pibwrlwyd yng Nghaerfyrddin i gystadleuaeth CogUrdd Canolbarth Cymru. Y cogydd enwog Dudley oedd yn beirniadu. Ar ddiwedd y bore cyhoeddwyd mae Kate Jones oedd yn fuddugol a Ffion Jenkins yn drydydd. Bydd Kate nawr yn mynd i gystadlu ar faes Eisteddfod Genedlaethol yr

Urdd yng Nghonwy ar fore dydd Mawrth. Pob lwc i ti bryd hynny Kate!!

Ar brynhawn crasboeth ar 12fed o Fai cynhaliwyd Chwaraeon Potes yr Urdd yn Ysgol Gynradd Cwrtnewydd. Bu holl ddisgyblion yr ysgol yn cymryd rhan.

Yn ystod yr hanner tymor ac yn rhan o waith Addysg Grefyddol bu'r Parch Eileen Davies o Lanllwni gennym yn trafod eu gwaith fel Ficer. Cafodd y plant i gyd gyfle i ofyn cwestiwn iddi ac yn ystod ei hail ymweliad daeth â'i holl ddillad eglwys gyda hi ac fe gafodd y plant a'r staff gyfle i'w gwisgo!!

Profiad reit wahanol!!

Pob lwc iddi pan mae'n dechrau ar ei gofalaeth newydd ar ddechrau mis Mehefin. Diolch yn fawr unwaith eto am eich parodrwydd i ddod mewn i Ysgol Llanwnnen.

Mae'r plant wrthi'n brysur nawr yn paratoi murlun allan o glai gogyfer â dathliadau'r Canmlwyddiant gyda Mr Robert Blayney o Bontsian.



Ar brynhawn braf ar ddydd Mercher, 21ain o Fai, cawsom ein Mabolgampau blynyddol. Gan bod hanner tymor prysur gennym ar ôl y gwyliau, rydym wedi ei gynnal yn gynnar eleni. Cawsom brynhawn bendigedig gyda phob disgybl yn cymryd rhan. Ar ddiwedd y prynhawn tŷ Grannell ddaeth i'r brig. Cyflwynodd Mr Evans y darian i'r plant ynghyd â medalau i'r plant hynny a ddaeth i'r brig: O dan 5 oed: Catrin Jones a Carwyn Rosser. Bl. 1 a 2: Catrin Rosser a Idris Lloyd. Bl. 3 a 4: Joshua Newton-Jones a Cerian Jenkins. Bl. 6 – Ffion Jones.

Ar ddau brynhawn ddydd Gwener yn ystod yr hanner tymor mae nifer o blant a rhieni wedi bod yn derbyn hyfforddiant Cymorth Cyntaf o dan gyfarwyddyd Heather Jenkins. Diolch yn fawr iddi hithau hefyd.

Ar brynhawn olaf cyn hanner tymor bu disgyblion yr adran Iau i gyd yn cymryd rhan yn Rygbi Tag ar gaeau Ysgol Llamed.

Rydym i gyd nawr yn barod i groesawu Mr Siôn Mason-Evans nôl i'r ysgol gobeithio ar ôl hanner tymor yn dilyn ei ddamwain yn ddiweddar. Hoffwn, hefyd ddiolch i Mr Dic Evans a fu yn cyflenwi gennym dros yr amser yma.

Cofiwch, os nad ydych wedi prynu tocyn ar gyfer Cyngerdd y Canmlwyddiant yn Theatr Felinfach ar nos Sadwrn, Gorffennaf 5ed – gwnewch hynny ar frys, gan mae ychydig iawn o docynnau sydd ar ôl!!

CANMLWYDDIANT YSGOL LLANWNNEN

1908-2008

Rhaglen y Dathlu

Nos Sadwrn 5ed Gorffennaf

Sioe y Dathlu yn Theatr Felin-fach.

Ffoniwch y theatr am docynnau.

01570 470 697.

Dydd Sadwrn 20fed Medi

Te, arddangosfa, dadorchuddio plac

a lawnsio llyfr

Ysgol Llanwnnen, 2.00yp

Nos Sadwrn 20fed Medi

Cinio'r dathlu

yng Ngwesty'r Grannell.

£17.00 am docyn o'r ysgol

01570 480 203.

Dydd Sul 21ain Medi

Cymanfa Ganu, Capel y Groes.

Hefyd ar gael ...

• Plât y dathlu - £12.50

• Mwg y dathlu - £7.50

*Dewch i gefnogi canrif o addysg yn
Llanwnnen*

Sioe Amaethyddol Llanbedr Pont Steffan

i'w chynnal ar – Gaeau Pontfaen

Dydd Gwener 8fed o Awst 2008

Llywydd – Mr Andrew Jones,

Gwmgwyn, Pentrebach, Llamed

Oedolion £5-00 Plant dan 14, £1-00

Dosbarthiadau - Gwartheg, Defaid,

Ceffyllau, Geifr, Moch a Chŵn

Y babell – Cynnyrch Fferm,

Cynnyrch Gardd, Blodau,

Coginio, Gwinoedd, Cyffeithiau,

Gwaith Llaw, Crefftiau Gwlad,

Ffotograffiaeth, Plant Ysgol a C.Ff.I.

Arddangosfa Hen Beiriannau Fferm

Arddangosfa Crefftiau

Arddangosfa Coginio gan

Alwen McConochi - Enillydd

CASA Dudley

Rygbi 7 bob ochr ar ôl y sioe

Disgo yn yr hwyr

Manylion oddi wrth

Mrs Gwen Davies – Ffôn – 01570 481152

Mr Aeron Hughes – Ffôn – 01570 422654

Enwau Lleoedd Lleol gan David Thorne



Olmarch, Nant y Stalwyn, Dôl Ebolion

Enw diddorol ac enw gwerth treulio ychydig o amser yn ei drafod yn ardal Llambled yw Olmarch. Yr elfen gyntaf yn yr enw yw 'ôl' sef marc a adewir gan anifail neu ddyn. Datblygodd o ran ystyr i ddynodi llwybr neu ffordd a greir gan greadur ac mae llawer o'r enghreifftiau cynharaf ynghlwm wrth enwau anifeiliaid dof: ôl hwch, ôl gafr, ôl march. Olmarch yw'r cyfuniad a gynrychiolir yng Ngheredigion a'i ystyr yw 'llwybr march'. Ceir cofnod o'r enw yn 1613 a sonnir am Dir Olmarch yn 1651. Ceir, yn ogystal, Allt Olmarch. Rhwng Llambled a Thregaron mae ffermydd Olmarch Fawr, Olmarch Ganol, Olmarch Isaf ac Olmarch Cefn-y-coed.

Mae'r elfen 'march' yn digwydd yn gyffredin mewn enwau lleoedd yng Ngheredigion o gyfod cynnar: ceir Preseb y March yn Llangybi; Cnw y March yn Llangeitho; Ysgubor Cwm March (1680) yng Nghilcennin ac yn Llanddewibrefi; Marchdy (1198) yn Ystrad Fflur; Rhyd y Meirch yn Llanddewibrefi. Ceir Nant Olmarch yn Llangoedmor ac Ôl Carn y March yn Llechryd. Mae Cae pwll march yn Llanwenog; Wern Meirch yn Aber-arth; Cwm March yn Llandysul; Llety'r March Melyn yn Llanfihangel Genau'r-glyn; Cae'r Meirch a Llethr Meirch yn Llanfihangel-y-Creuddyn; Nant y March yn Gartheli.

Yn Sir Gaerfyrddin ceir Carn y March (1605) a Blaen March yn Llangeler; Cil y March yn Llandyfaelog; Clun March a Rhyd y March yn Llansawel; Gwaun y March yn Llangathen; Gwern y March yn Sanclêr. Nant Meth y Meirch (1587) yng Nghaeo; Gwaun y Meirch yn Llangeler, yn Llangathen ac yng Nghaeo; Cwm y Meirch yn Myddfai; Clun Meirch yn Llanllawddog; Llwyn March yn Llandeilo; Llety March yn Llan-non (Sir Gâr); Parc y March yng Nghaerfyrddin; Rhyd y March yn Nhalyllchau.

Dyma rai enwau cyffelyb o Sir Benfro: Carreg y March yn Dinas; Ogo'r March yn Llanwnda; Tir y March Brethyn yn Nhyddewi; Pistyll y March yn Llandeilo.

Gair sy'n perthyn i dafodieithoedd de Cymru yw 'march'; yr enw cyfatebol ar draws gogledd Cymru yw 'stalwyn' a'r ffin rhwng y ddwy ffurf, yn fras, yw'r tir rhwng aber Afon Dyfi a tharddle Afon Rheidol. Ac at ei gilydd dyma diriogaeth 'stalwyn' fel elfen mewn enwau lleoedd yn ogystal. Ceir Cae Stalwyn yn Abergele, Llansannan a Llanystumdwy a Pharc y Stalwyn yn Llansilin. Yn Sir Ddinbych ceir Ceinmeirch; mae'r elfen gyntaf yn gyfystyr â 'chefn' neu 'trum' a'r ystyr yw 'Cefn y Meirch'. Mae'r enw wedi goroesi yn Llanrhaeadr-yng-Nghinmeirch a aeth bellach yn Llanrhaeadr-yng-Nghinmeirch. Mae'r eglwys wedi'i chysegru i Dyfnog a chedwir ei enw yn ogystal yn Ffynnon Ddyfnog.

Mae Sir Forgannwg a Sir Frycheiniog yn ddiddorol yng nghyswllt yr hyn rydym newydd ei drafod oherwydd ceir 'march' yn bodoli ochr yn ochr â 'stalwyn' yn y tafodieithoedd ac mewn enwau lleoedd. Ceir Nant y Stalwyn ac Ynys March yng Nghwm Dulais, Castell-nedd; ceir Nant y Stalwyn yn Llanddewi Abergwesyn a Pwll y March yn Llanfihangel Abergwesyn.

Nid yw'r enw Olmarch yn gyfyngedig i Geredigion. Ceir cyfeiriad at le o'r enw Olmarch (1326) yn Llandeloy [Llan-lwy] yn Sir Benfro; digwydd y cyfeiriad hwnnw yn Llyfr Du Tyddewi, arolwg o diroedd yr esgob yn esgobaeth Tyddewi. Digwydd yr enw yn ogystal yn Llanblethian yn Sir Forgannwg ac yn Niserth, Sir Fflint. Ceir Cae Olmarch yn Ystradowen, eto yn Sir Forgannwg.

Mae amryw enwau lleol sy'n cynnwys cyfeiriadau at gesig, ebolion a cheffylau.

Ceir Bryn Casegfan yn Llanfair Clydogau; Bryn Cesig (1509) yn Nihewyd; Ffos y Cesig yn Aber-porth; Parc y Cesig yng Nghydeweli. Mae Dôl Ebolion yn Llangeitho a Pant yr Ebolion yn Trefeurig, Parc yr Ebol yn Llannarth. Llwyn'r ebol yn Llandysilio yw'r unig enghraifft o ebol yn elfen mewn enw lle y gwn i amdano yn Sir Gaerfyrddin.

Ceir Cae'r Ceffyl yng Nghil-y-Cwm; Cae'r Ceffylau yn Llansadwrn; Cwm y Ceffyl yn Llangyndebyrn; Ynys y Ceffyl yn Glanamau; Pwll Ceffylau (un o byllau Afon Teifi) yn Llanllwni; Cae ceffylau ar fferm Aberceiliog, Llanllwni; Cae ceffylau a Waun ceffylau yn Llanwenog; Aber Ceffyl yn Nhyddewi.

Yng ngyswllt trafodaeth y mis hwn ar feirch a stalwyni a chesig ac ebolion, fe awn ati i drafod dau enw lleol arall yn ymwneud â'r ceffyl y mis nesaf, sef Buarth-y-re yn Llanybydder a Rhyd-y-re yn Llandysul.

O'r Cynulliad gan Elin Jones AC



Mae wastad yn bleser mynychu Sadwrn Barlys yn Aberteifi ac nid oedd eleni yn unrhyw wahanol. Daeth tyrfa dda i'r dref ar ddiwedd mis Ebrill i weld yr orymdaith ac fe gefais i'r fraint o gyflwyno tlysau i rai o'r enillwyr. Yn yr un modd, roedd yn braf gallu agor march-lwybr newydd yn swyddogol yn Long Wood, Betws Bledrws, yn ystod Gŵyl y Banc Calan Mai. Mae atyniadau o'r fath yn dod yn gynyddol bwysig er mwyn denu twristiaid i'r ardal yn ogystal ag er budd y trigolion lleol, ac rwy'n falch bod aelodau o'r gymuned leol wedi dod at ei gilydd i ddatblygu llwybr o'r fath.

Yn Llanddewi Brefi, fe ymunais â gorymdaith brotest o amgylch y pentref a oedd wedi ei threfnu er mwyn dangos y gwrthwynebiad sydd yn lleol tuag at gynllun y Post Brenhinol i gau'r Swyddfa Bost leol a chyflwyno gwasanaeth fan symudol yn ei lle. Erbyn hyn, mae'r cynnod ymgynghori wedi dod i ben a bydd y Post Brenhinol yn ystyried yr holl ymatebion cyn datgan yn derfynol pa Swyddfeydd Post yng Ngheredigion fydd yn gorfod cau. Fe fydd colli'r Swyddfa Bost leol yn sicr yn ergyd i gymunedau gwledig ac fe all hyn effeithio ar hyfywra ein pentrefi. Yn benodol, rwy'n pryderu'n fawr am ddyfodol unig siop y pentref yn nifer o'r pentrefi sy'n wynebu bygythiad pe byddai'r Swyddfa Bost yno yn cau. Er gwaethaf hyn, roedd yn dda gweld trigolion mewn cymunedau ar draws Ceredigion yn cydweithio i lunio'r achos dros gadw'r Swyddfa Bost leol ar agor.

Yn olaf, fe fynychais gyfarfod o Fforwm Ieuencid Ceredigion yn Llanarth yn ddiweddar. Roedd yn galonogol iawn i glywed brwdfrydedd y bobl ifanc yng ngwleidyddiaeth leol a chenedlaethol ac rwy'n cefnogi eu safbwynt y dylid lleihau'r oedran pleidleisio. Fe dynnwyd fy sylw hefyd at y ffaith bod y bobl ifanc yn credu nad oes digon o wybodaeth ar wahanol systemau gwleidyddol Prydain ar gael yn ein hysgolion. Byddaf felly'n codi'r mater gyda Jane Hutt AC, y Gweinidog Addysg, gan fy mod yn awyddus iawn i sicrhau bod y genhedlaeth ifanc yn cael y cyfle mwyaf posibl i ymwneud â gwleidyddiaeth gan fod y penderfyniadau sy'n cael eu cymryd ym Mae Caerdydd a San Steffan yn effeithio arnynt hefyd.

GLYN PHILLIPS

Saer Coed ac Asiedydd



Ffôn: 01570 470176
Symudol: 07775 694243

D Aled Evans

Plymwr a
Pheiriannydd Gwresogi



Gosodwr a Chynhaliwr

- Systemau gwresogi
- Baddonau a chawodydd
- Gwresogyddion mewn lloriau
- Gwasanaeth cynnal a gosod boileri a'u hatgyweirio

Ffôn/Faes 01267 253230 neu
07966 592 183

T. Emyr Jones

Adeiladwr



Araul, Cwmann

☎ 01570 423921
☎ 07867 945174

CANOLFAN ADDURNO

AA

A

Dewis arbennig o bapur, paent ac offer i wneud addurno yn bleser.

Llyfrau Patrwm, Offer llaw a phwerus, Polion a thraciau llenni, gwasanaeth torri allwedd i pheiriannau cymysgu paent Dulux a Leyland.

Arbenigedd ar garreg eich drws.
3 Stryd y Bont
Llanbedr Pont Steffan
01570 423156

Cludfwyd Indiaidd

NEHAR

newydd agor yn Llambled



Y bydd wedi ei goginio'n fres bob dydd.

15% o ostyngiad
ar archebion dros £10.00.

Y cogydd â dros 20 mlynedd o brofiad o weithio mewn sefydliad indiaidd.

10 Stryd y Bont, Llambled
☎ 01570 422893 / 422175

Creative Cove

40A Y Stryd Fawr,
Llambled, ☎ 421985



Ystod eang o offer swyddfa
a deunyddiau celf a chrefft
am brisau cystadleuol iawn.

Yn cynnwys:

- Certris inc a deunyddiau cyfrifiaduron eraill, - cardiau cyfarch,
- mapiau arolwg ordnans,
- deunyddiau postio a phacio,
- deunyddiau gwneud cardiau a llyfrau lloffion, - pecynnau crefft i oedolion a phlant, - paent Winsor a Newton,
- padiau brasluniaid arlunwyr, cynfas a phapur dyfriliw.

Ruth Thomas a'i Chwmni Cyfreithwyr

19 Stryd y Coleg, Llambled
Ffon: 423300 Ffacs: 423223
mail@ruththomassolicitors.co.uk

yn cynnig pob
gwasanaeth cyfreithiol
Apwyntiadau hwyr neu
yn eich cartref



Masnachwyr Amaethyddol

☎ 01570 422540

Melin Mark Lane, Stryd y Bont,
Llanbedr Pont Steffan

Am holl fwydd a nwyddau
amaethyddol, cysylltwch â ni.

WILLIAMS & BOURNE

CYFREITHWYR,
COMISIYNYR LLWON

Trosglwyddiadau a phob
gwasanaeth cyfreithiol.
Ymweliadau â'r cartref yn bosibl.

**1 Sgwâr Harford,
Llambled**

☎ 01570 422206 ☎ 01570423540

A thrwy apwyntiadau yn Nhregaron, Llanybydder,
Castell Newydd Emlyn a Chaerfyrddin.

CEGIN GWENOG CATERING

Y gwasanaeth arlwyio cyflawn
ar gyfer bob achlysur:

Priodas; Penblwydd;
Bedydd; Angladd;

Cinio Busnes;

Digwyddiadau Maes,

Bwydlenni unigol i ateb
eich gofynion chi – boed yn
fawr neu'n fach

Cyswilt: Mrs Mair Hatcher

Abernant, Llanwenog, Llanybydder, SA40 8UN

☎ 01570 481230 ☎ 07967 559683

2008

Blwyddyn Darllen

GENEDLAETHOL

Wythnos Llyfr yn Anrheg – 7 i 12 Gorffennaf 2008

Fel un o brif ymgyrchoedd y Flwyddyn Darllen yng Nghymru, bydd yr ymgyrch hon yn canolbwyntio ar annog pobl o bob oed i roi llyfrau yn anrhegion i ffrindiau a theulu. Dyma ymgyrch y gall pawb drwy Gymru ymuno â hi, gan roi sylw gwyb i lyfrau ac i ddarllen!

Gyda chefnogaeth papurau bro Cymru, mae'r gwaith o hyrwyddo Wythnos Llyfr yn Anrheg eisoes ar y gweill a bydd yn parhau hyd at yr wythnos ei hun. Mae posteri a nodau llyfr lliwgar wedi eu cynhyrchu, a bydd y rhain yn cael eu dosbarthu'n eang i lyfrgelloedd a siopau. Gwneir ymdrech arbennig i sicrhau sylw yn y wasg a'r cyfryngau, gan ofyn i wahanol bersonoliaethau gyflwyno llyfrau i gyfeillion, a bydd hysbyseb radio arbennig yn cael ei chynhyrchu a'i darlledu'n eang er mwyn cyrraedd cynulleidfau mor fawr â phosibl.

Bydd adran arbennig ar gyfer Wythnos Llyfr yn Anrheg ar wefan y Flwyddyn Darllen (www.blwyddyndarllengenedlaethol.org.uk) a bydd cyfle yno i aelodau'r cyhoedd nodi pa lyfrau y byddan nhw'n eu rhoi'n anrhegion yn ystod yr wythnos.

Mae darllen yn sgil hanfodol ar gyfer pob agwedd ar fywyd ac mae'r Flwyddyn Darllen yn gyfle gwyb i dynnu sylw at bwysigrwydd darllen ac i ddathlu pleser a mwynhad y gair ysgrifenedig. Gall ddarllen agor drysau i fydoedd newydd!

Cydlunir y Flwyddyn Darllen yng Nghymru gan Gyngor Llyfrau Cymru, gyda nawdd gan Lywodraeth Cynulliad Cymru.

'Y Pleser o ddarllen' gan Luned Mair, Alltbylaca

'Dacw Jac y Jwc yn rowlio lawr y rhiw', neu rywbeth tebyg. Ond nid y dyfyniad cywir sy'n bwysig, ond y ffaith mai dyna'r frawddeg gynta' 'dwi'n cofio ei darllen, ac mi aeth dad yn eceited bost gan taw wrth ddarllen y frawddeg yna o un o lyfrau Sali Mali y llwyddais i ddweud 'r' yn iawn am y tro cynta'! A'r peth nesa' dwi'n ei gofio yw dwlu ar lyfrau Jacqueline Wilson a T. Llew Jones a cheisio darllen un o'u llyfrau bob penwythnos! Ie, efallai allech chi ddweud fod darllen yn weddol bwysig i fi.

Pam? Wel, wrth ddarllen 'dwi wedi llefen, chwerthin, cael cymaint o ofn nes 'mod i'n methu mynd i gysgu a theithio i bedwar ban byd - a'r cwblw weithiau mewn un llyfr! Do, chwerthin nes 'mod i'n methu anadlu wrth ddarllen rhyw lyfr 'Hotel Eddie' o'dd yn ddifrifol o ddoniol pan ro'n i'n saith oed! A diolch i hunangofiant Peter Kay, mi fues i'n chwerthin yn uchel i fi fy hun ar y trên i Lundain haf llynedd. Ma'n rhaid bod y teithwyr eraill yn meddwl 'mod i'n hollol boncysr! Ac ma' unrhyw lyfr lle mae rhywun yn marw yn gwneud i mi lefen - odw, 'dwi'n eitha' sopi fel'na!

Mae'n siŵr mai'r llyfr 'dw i wedi ei ddarllen dro ar ôl tro...ar ôl tro yw 'Ac Yna Clywodd Sŵn y Môr' gan Alun Jones, a hynny ar gyfer fy arholiadau TGAU, ond mi wnes i ei fwynhau bob tro, ac mi 'ro'n i'n dal i chwerthin ar antics Gladys Drofa Ganol hyd yn oed wrth i mi ei ddarllen am y canfed tro...wel, ddim cweit falle! 'Ma' darllen yn rhywbeth pwysig, yn ddihangfa ac yn deffro'r dychymyg. A'r peth diwetha' i fi ddarllen, 'Nada' can Carmen Laforet...neu gylchgrawn 'Ok!', wel ma'n rhaid ca'l bach o ysgafnder weithie'n 'dos e!

CEFNOGWCH WYTHNOS LLYFR YN ANRHEG

7-12 GORFFENNAF 2008

Cystadleuaeth:

Cyfle i ennill un o'r llyfrau isod:

Pac o Straeon Rygbi 2 gan Alun Wyn Bevan, **Y Gwledydd Bychain** gan Bethan Gwanas, **Jackie Jones** gan Caryl Lewis, **Dyn y Syrcas** gan Derfel Williams, **Y Gongol Felys** gan Meinir Pierce Jones, **Ar Lwyfan Cymru ac Ar Lwyfan y Byd** gan Alun Guy.

Enwch ddau lyfr a gyhoeddir eleni ag apêl leol iddynt, a danfonwch y ffurflen isod i: Cystadleuaeth Clonc, Tŷ Cerrig, Cwmann, SA48 8ET gyda'ch dewis o wobr erbyn **20 Mehefin 2008**.

Enw: _____

Cyfeiriad: _____

Dau Lyfr ag apêl leol:

Ateb 1: _____

Ateb 2: _____

Eich dewis o lyfrau fel gwobr:


1af: _____

2il: _____

3ydd: _____

Llyfrau lleol

Ar Ddydd Sul 6ed Gorffennaf, lansir llyfr newydd **Brondeifi Hanes yr Achos** gan y Parch Goronwy Evans. Diweddariad ydyw o lyfr a gyhoeddwyd yn 1974 a hanes holl ddigwyddiadau'r capel hyd at y bedydd diwethaf a gynhaliwyd ar 18 Mai 2008. Bydd yn llawn lluniau hefyd a gyhoeddir yn broffesiynol gan Wasg Gomer. Bydd y llyfr ar werth am £9.95 os nad ydych wedi tanysgrifio o flaen llawn am £8. Cynhelir y lansiad yng Nghapel Brondeifi gyda the i ddilyn. Darllen difyr mae'n siwr i bawb â chysylltiad â'r achos, neu â diddordeb yn hanes yr ardal.



Ar Ddydd Sadwrn 20fed Medi, lansir llyfr newydd **Hanes Ysgol a Phlwyf Llanwnnen**, fel rhan o ddathliadau pen-blwydd yr ysgol.



Dau gyn bennaeth yr ysgol Alice Davies a John Williams sy'n gyfrifol am grynhoi hanes yr ysgol a Dylan Iorwerth sy'n ysgrifennu hanes y plwyf. Llyfr arall at ddant darllenwyr Clonc.

Ysgol Cyfun Llanbedr Pont Steffan

Mewn seremoni wobrwyo fawreddog yn y Celtic Manor yng Nghasnewydd, enwebwyd pum disgybl o'r Adran Dechnoleg, ynghyd â'r cwmni Dragon Machinery o New Inn, ar gyfer pedair allan o'r deuddeg prif wobwr. Enillodd y tîm 'Wobr Sefydliad Peiranwyr De Cymru' am y 'prototeip gorau'. Cyflwynir sic o £500 i'r ysgol ac fe fydd aelodau'r tîm yn derbyn £50 yr un. Aelodau'r tîm buddugol oedd Shawn Brown, Tony Chen, Gethin Jenkins, Edmund Merrow-Smith a Adam Templeman. Roedd y bechgyn yn cystadlu yn erbyn 73 ysgol, gyda rhai ysgolion yn gweithio ar y cyd gyda chwmnïau peirianeg mwyaf Cymru, fel Airbus UK, Corus a BAE Systems. Trefnwyd y digwyddiad gan EESW, a'r seremoni wobrwyo oedd yr uchafbwynt i'r bechgyn ar ôl chwe mis o waith caled. Diolch i bawb o EESW a fu ynghlwm â'r prosiect, ac yn arbennig i Mr Bob Elward am ein cyflwyno i'r digwyddiad, i Mr David Wyatt o Dragon Machinery am roi cyfle i'r ysgol, ac wrth gwrs diolchwn i Mr Griffiths a Mr Hesketh am eu cefnogaeth a'u harweiniad.



Ar Fai'r 8fed, cynhaliwyd cystadleuaeth coginio'r Urdd, sef 'Cogurdd' yng Ngholeg Pibwrlwyd yng Nghaerfyrddin. Bu Aron Dafydd a Dewi Uridge o flwyddyn 7 a Lowri Pugh-Davies ac Elliw Mair o flwyddyn 10 yn cystadlu, a'r cogydd enwog Dudley Newbury oedd yn beirniadu. Gweithiodd y bechgyn gyda'i gilydd i baratoi ac i goginio 'byrgys blasus' a 'salad

salsa sbeislyd' o dan y thema 'prydau cyflym'. Er na enillodd y ddau, roeddent yn agos iawn i'r brig.

Bu'r merched yn paratoi ac yn coginio 'cawl pys mintys, cacennau sawrus Cymreig a phryd tro-ffrio tsili gyda chig oen Cymreig' o dan y thema 'prydau tymhorol Cymreig'. Roedd y merched yn fuddugol ac maent yn mynd ymlaen i'r rownd derfynol fydd yn cael ei chynnal ar faes Eisteddfod Sir Conwy. Llongyfarchiadau i'r pedwar ohonynt a phob lwc i Elliw a Lowri.



Cynhaliwyd bore coffi yn neuadd yr ysgol yn ddiweddar i godi arian at Apêl Cystic Fibrosis. Trefnwyd y digwyddiad gan Lewis a Ryan Watkins ac aelodau 10D ac 8D. Bu'r bechgyn yn 'brysur yn gweini'r staff ac fe fu'r merched yn paratoi cebabau ffrwythau blasus iawn a ffownten siocled. Roedd Lewis a Ryan yn awyddus i drefnu'r bore coffi er mwyn codi arian er cof

am eu cyfnither, Siân Watkins a phob clod iddynt am eu hymdrechion. Codwyd £490 o bunnoedd a diolch i bawb a gyfrannodd mor hael at yr achos.

Mae'r clwb Seryddiaeth wedi cael blwyddyn lwyddiannus iawn eleni. Cafodd ein disgyblion y cyfle i reoli telesgopau mawr yn Hawaii ac Awstralia, drwy'r wê. Mae rhai wedi llwyddo i adeiladu modelau gweithredol o sêr dwbl ac mae eraill wedi cynllunio ac adeiladu deialau haul. Fe fydd Josh Harrison-Little, Onder Cakirer, Beca Morris, Annabelle Hollingsworth, Richard Bracey, Daniel Hurton, Darren Tierney a Jasmine Kime o flwyddyn 10 a Rowan Evans o flwyddyn 9 yn sefyll eu haroliadau Seryddiaeth TGAU yn fuan, ar ôl blwyddyn yn unig o astudio'r pwnc. Maent wedi bod yn gweithio'n annibynnol i gwblhau'r gwaith a dymunwn bob llwyddiant iddynt.

Bu Megan Williams, Cara Jones, Caitlin Theodorou, Michaela Chandler, Toni Harding a Rowan Thomas o 8G yn helpu i ddewis enillydd 'Gwobr Ieuencid y Gymdeithas Frenhinol ar gyfer llyfrau Gwyddoniaeth'.

Bu'r merched wrthi yn darllen, yn adolygu ac yn gwneud sylwadau gwerthfawr ar y chwech llyfr ar y rhestr fer.

Cynhaliwyd cyfarfod i gyfri'r pleidleisiau a dyfarnwyd 'Big Book of Science Things to Make and Do' yn fuddugol.

Danfowwyd eu pleidleisiau at y Gymdeithas Frenhinol yn Llundain ynghyd â'r pleidleisiau o'r ysgolion eraill. Fe fydd yr enillydd terfynol yn cael ei gyhoeddi ym mis Mehefin.

Mae'r merched hefyd wedi dewis dau lyfr ardderchog fydd yn cael eu prynu ar gyfer y llyfrgell ac ar gyfer y blychau darllen yn y dosbarth.

Chwaraewyd gêm hoci yn erbyn Aberaeron yn ddiweddar. Enillodd tîm B1 8, 2-0, ond colli oedd hanes tîm B1 10, 1-0.



Arwel Jones o'r frigid dan yn cyflwyno tystysgrifau i ddeg o ddisgyblion Ysgol Gyfun Llanbedr yng Ngorsaf Dàn Llanbedr ar ddiwedd eu cwrs am ddiogelwch ar y ffordd a diogelwch tân. Yn y llun hefyd mae Lester James Kenny McDonald.

Sicrhewch eich newyddion yn y papur hwn. Peidiwch â disgwyl i rywun arall ei gynnwys ar eich rhan. Mae'n rhy hwyr i achwyn ar ôl i CLONC ymddangos.

Carpedi

Gwyn Lewis

Cyf

Cyflenwi a gosod:
Carpedi a Feinyl, Lloriau Diogel,
Cladinau Wal,
yn ogystal â Gwelyau,
Pennau Gwelyau a Rygiau.

43 Stryd y Bont
LLANBEDR PONT STEFFAN
Ffôn a Ffacs: 01570 423984
Adref: 01570 423349

Gwesty'r Grannell
Llanwnnen



Bwyd cartref ardderchog,
Ystafell wydr newydd,
Yn arlwyio ar gyfer pob
achlysur,
Ystafelloedd en-suite,
Trwydded ar gyfer priodas.
Cysylltwch â Susan neu Siriol
☎ 01570 480476

REFLEXOLOGY

Gall y driniaeth yma eich helpu, os
ydych yn dioddef o'r canlynol:

- * Blinder / diffyg egni
- * Meigrin
- * Sciatica
- * Irritable Bowel Syndrome
- * Menstrual problems
- * a mwy

Os am ragor o wybodaeth
cysylltwch â Carol Rees
01545 590164
07929 559561

Tim Jones



Ffotograffydd

Llainwen, Rhodfa Glynhegog
Llanbedr Pont Steffan
☎ 01570 422644

Oes angen cyngor arnoch?

Mae gennym arbenigedd cyfreithiol
mewn sawl maes, megis:-


1. CYFRAITH TIR,
2. EWYLLYSIAU A'U PROFiant,
3. TRETH ETIFEDDIAETH A
MODD I'W LEIHU,
4. GWAITH LLYS O BOB MATH.

Os hoffech fwy o wybodaeth
mae croeso i chwi gysylltu â ni.

**Arnold Davies
Vincent Evans**

33 Stryd Fawr, Llanbedr
☎ 01570 422517 ☎ 01570 423244

Llangybi a Betws



Cyng Odwyn Davies, Llangybi yw cadeirydd newydd Cyngor Sir Ceredigion am y flwyddyn 2008/09.

Llongyfarchiadau

Llongyfarchiadau gwresog i Lowri Pugh Davies ar ennill cystadlueaeth coginio yng nghystadlueaeth sirol yr Urdd. Da iawn ti Lowri.

Ysgol Y Dderi

Cafwyd noson fendigedig wrth i blant yr adran iau, athrawon, rhieni a ffrindiau feicio o Langybi i Dregaron. Trefnwyd y noson ar gyfer codi arian i daith gyfnewid blwyddyn 6 i Ddenmarc. Diolch o galon i bawb a fu'n gweithio'n galed i wneud y noson yn un llwyddiannus. Diolch hefyd i Sian a phawb yn y Talbot am ein croesawu yn y modd arferol – byrgys a chips!

Treuliodd nifer o ddisgyblion o Ecole Piere et Marie Curie ddiwrnodau difyr yn ein cwmni tra'n ymweld â Llanbed. Diolch i rieni a ffrindiau'r ysgol fu'n rhoi llety iddynt ac yn eu difyru.

Bu blwyddyn 4, 5 a 6 yn cystadlu yng nghystadlueaeth chwaraeon potes yr Urdd a'r gaeau Blaendolau. Cafwyd brynhawn bendigedig a lot o hwyl a sbri.



Llongyfarchiadau i Sally Rees, disgybl blwyddyn 3 ar gael bod y plentyn cyntaf i eistedd yng nghadair clodfori'r ysgol. Cynlluniwyd y gadair fel rhan o waith dylunio a thechnoleg yr adran iau. Mae'r anrhydedd o gael eistedd ynddi yn mynd i blentyn sydd wedi dangos caredigrwydd tu hwnt i'r cyffredin neu sydd wedi llwyddo mewn maes arbennig. Da iawn ti Sally.

Mae blwyddyn 5 a 6 yn cymryd rhan mewn gweithdai cerddorol gyda'r cyfansoddwr enwog John Metcalf. Maent yn astudio'r opera "Chair in love". Mae'r plant yn mwynhau'r profiad newydd yma.

Cafwyd gwasanaeth trist iawn ar ddiwedd yr hanner tymor yma, wrth i ni ffarwelio gyda thair ffrind arbennig iawn. Mae Romina a Jessica o Batagonia ac maent wedi treulio'r hanner tymor yma gyda ni yn helpu mewn dosbarthiadau ac yn gwella eu sgiliau Cymraeg. Braff oedd cael cwmni dwy mor hawddgar yn ein ysgol. Pob dymuniad da i'r ddwy wrthynt deithio ymhellach. Hefyd, dyma oedd y tro olaf i Ficer Eileen i ymweld â ni mewn gwasanaeth. Dymunwn yn dda iddi wrth iddi gymryd gofal o eglwys Dyffryn Aeron. Mi fyddwn yn gweld ei heisiau yn fawr.

Gohebiaeth Clonc



Annwyl Olygydd

Ysgrifennaf ar ran **Pwyllgor Ysgol Trevelin**. Yr ydym, fel ysgol sydd yn arbenigo mewn dysgu Cymraeg fel ail iaith.

Ar hyd y blynyddoedd yr ydym wedi gweld pa mor werthfawr yw danfon ein dysgwyr ni i Gymru, oddi wrth ddylanwad y Sbaeneg a'r demtasiwn i'w siarad trwy'r amser tu fas i'r gwersi ffurfiol. Gwerthfawrogwn hefyd y problemau tebyg gyda dylanwad y Saesneg yng Nghymru. Teimlwn felly bod gyda ni adnodd gwerthfawr yma yn y Wladfa. Oherwydd yn y Wladfa mae gyda ni sefyllfa unigryw iawn ble mae'r Gymraeg yn iaith fyw ond cyfleon i siarad Saesneg yn brin iawn, iawn.

Yr ydym yn cynnig darpariaeth ar bob lefel ac mae modd i ni gynnig gwersi grŵp ar wahân i grwpiau o faint digonol neu integreiddio dysgwyr i'n darpariaeth ni. Fe all yr ail opsiwn fod yn dda ar gyfer grwpiau bach o ddysgwyr o Gymru. Mae hefyd yn ein galluogi i dderbyn grwpiau o 2 berson yn unig hyd at 14.

Mae pob pecyn yn gallu cynnwys llety lleol (gyda siaradwyr Cymraeg), cymdeithasau â'r gymuned Gymraeg leol a gwersi Cymraeg yn Ysgol Gymraeg Trevelin. Yr ydym hefyd yn gallu cynnig pecyn sydd yn cynnwys tipyn o wyliau yn Buenos Aires ar y ffordd yma ac ar y ffordd yn ôl hefyd.

Os hoffech fwy o wybodaeth cysylltwch â fi trwy e-bost, sef ysgolgymraegtrevelin@gmail.com
Gill Stephen Tiwtor / Profesora
Ysgol Gymraeg yr Andes /
Centros Galeses de la Cordillera
Rivadavia 1065, Esquel 9200
Chubut, Patagonia, Argentina
Ffôn: +54 2945 450 235

Gwastraffu Meddiginiaeth

Roedd archwiliadau diweddar o'r meddyginiaethau a ddychwelwyd gan gleifion i fferyllywyr cymunedol ar draws Ceredigion wedi dangos bod gwerth oddeutu £718,882 o feddyginiaeth yn mynd yn ofer bob blwyddyn am nad yw'n cael ei defnyddio. Gallai hynny olygu oddeutu £1,970 o feddyginiaeth bob dydd!

Mae'r Adran Iechyd yn amcangyfrif bod cymaint â 10% o'r holl gyffuriau a gaiff eu rhoi ar bresgripsiwn yn cael eu gwastraffu! Byddai hyn yn golygu bod gwerth hyd at £800 miliwn o gyffuriau'n cael eu gwastraffu bob blwyddyn o fewn y sector Gofal Cynradd!

Faint o lawdriniaethau ar y glun, llawdriniaethau ar y galon a llawdriniaethau cataract y byddai modd eu cynnal gan ddefnyddio'r

arian hwn?

Mae pryderon ynghylch diogelwch cleifion yn codi os yw meddyginiaethau'n cael eu cronni mewn un man neu'u cadw yn y cartref. A ydynt wedi mynd yn rhy hen? A oes perygl y bydd plant yn cymryd y meddyginiaethau hyn trwy gamgymeriad?

Mae'n amlwg bod gan bawb rôl i'w chwarae i helpu i leihau'r feddyginiaeth a gaiff ei gwastraffu! Y Meddyg Teulu, y fferyllywyr, y gweithwyr proffesiynol gofal iechyd ac yn bwysicaf oll Y CLAF!

Gweithwyr Fferm y Flwyddyn

Mae NFU Cymru wedi lansio 'Gwobr Gweithwyr Fferm y flwyddyn' 2008, sy'n cydnabod y rôl hanfodol chwaraewyd gan weithwyr yn y diwydiant ffermio. Gwahoddir ceisiadau ar draws Cymru gan, neu ar ran, gweithwyr rhan neu llawn amser, sydd wedi bod mewn cyflogaeth ers o leiaf bum mlynedd.

Mae'r wobr, nawr yn ei phedwaredd blynedd, wedi ei noddi gan fanc Nat West. Bydd yr enillydd yn derbyn gwobr o £500 a thlws Cymdeithas Frenhinol Cymru; gyda'r ddau ail orau'n derbyn £100 yr un.

Dyddiad cau yw Mehefin 12fed. Ysgrifennwch at 'Wobr Gweithwyr Fferm y flwyddyn, Tŷ Amaeth, Maes y Sioe Frenhinol, Llanellwedd, Powys, LD2 3TU neu E-bost sarahjones@nfu.org.uk Ffôn 01982 554 200.

Cerddorfa'r Opera yn dod i'r Bont

Bydd Cerddorfa Opera Cenedlaethol Cymru yn ymweld â Phafiliwn Bont, Pontrhydfendigaiad ar ddydd Mercher y 25ain o Fehefin.

Bydd y cyngerdd yn cynnwys cerddoriaeth o operâu ac operatâu gan gyfansoddwyr megis Verdi, Rossini, Puccini, Strauss, Lehar a Dvorak. Arweinydd y gerddorfa fydd Gareth Jones ac mae'n ffrind cael presenoldeb dau o unawdwyr o safon ryngwladol i ymuno â hwy.

Am ragor o wybodaeth ffoniwch 01974 831635 neu www.

Os hoffech gynorthwyo'r gwirfoddolwyr gyda'r gwaith o gynhyrchu'r papur hwn, croeso i chi gysylltu ag un o'r bwrdd busnes.

Rhifyn mis Gorffennaf
Yn y Siopau
Gorffennaf 3ydd
Erthyglau i law erbyn
Mehefin 20fed
Newyddion i law erbyn
Mehefin 23ain



Apêl Llambod a'r Fro
Eisteddfod yr Urdd Ceredigion 2010

**Cynhelir Cymanfa Ganu
yn Eglwys Shiloh Llambod**
ar y nos Sul Gorffennaf 6 am 7 o'r gloch.

Arweinydd a threfnydd y noson yw Twynog Davies
gydag Eirwen Davies wrth yr organ.
Yr artistiaid fydd Côr Merched Côrisma,
Côr Meibion Cwmann a'r Cylch a Merched Malog.



Mae'r rhaglenni ar werth gan aelodau Eglwys Shiloh
neu yn Siop Caxton, pris: £4.

Rhyw 300 o raglenni fydd ar gael, felly gwnewch yn siŵr o'ch rhaglen mor fuan â phosib. Recordir y Gymanfa gan gwmni Andante ar gyfer rhaglen Caniadaeth y Cysegr Radio Cymru.

Dyma gyfle unigryw i gefnogi a hybu gwaith ieuencid Cymru yn eu Prifwyl yng Ngheredigion yn 2010. Edrychwn ymlaen at eich cwmni a'ch cefnogaeth.

Cydnabyddir cefnogaeth



www.bwrdd-yr-iaith.org.uk

Llanllwni

Llwyddiant

Longyfarchiadau i Elin Jones, Tŷ Newydd, Maesycrugiau ar ennill cystadleuaeth Aelod Iau C.F.F.I. Cymru.

Gwellhad Buan

Dymuniadau gorau i Hywel Davies, Bryndulais sydd yn cael triniaeth yn Ysbyty Treforys ar ôl llosgiadau difrifol ar ôl damwain yn ei gartref.

Hefyd i Keith Evans, Brynceirch ar ôl triniaeth i'w law yn ysbty Glangwili.

Diolch

Hoffai'r plwyf ddatgan ein diolchgarwch i Lorraine Edwards am eu gwasanaeth yn y Siop a'r Swyddfa Bost. Ar ôl marwolaeth ei phriod ychydig yn ôl penderfynodd werthu'r siop a symud i Gastell Newydd Emlyn. Pob hapusrwydd iddi a phob dymuniad da hefyd i'r perchnogion newydd sef Dave, Tracy ac Amber Emery. Diolch Lorraine am gyfraniad o £10 tuag at Clonc.

Llongyfarchiadau



Llongyfarchiadau i Linda Evans, Ceunant ar ennill sedd ar Gyngor Sir Caerfyrddin yn yr etholiad ar Fai 1af. Bydd yn cynrychioli Llanllwni, Llanfihangel a Pencader – felly pob dymuniad da iddi.

Penblwyddi Arbennig

Llongyfarchiadau i David Evans, Murmur y coed ar gyrraedd 90 oed ar y 18fed o Fai. Hir oes a phob dedwyddwch i'r dyfodol.

Hefyd, i Aled Jones, Tŷ Newydd ar gyrraedd ei benblwydd yn 18oed yn ystod y mis.

Cymorth Cristnogol

Diolch i bawb a fu yn casglu dros

Cymorth Cristnogol – ar ôl y cyfri yn Festri Capel Nonni gwelwyd fod dros £1300 wedi ei gasglu gan adran Llanybydder / Llanllwni. Os oes rhywun arall yn dymuno cyfrannu bydd banc Barclays yn Llambled yn barod i'w dderbyn.

Cyngor Bro

Cyfarfod nos Fawrth, Mai 20fed yn Festri Capel Nonni.

Yr oedd wyth aelod yn bresennol o dan gadeiryddiaeth Tommy Davies. Llongyfarchwyd y clerc Linda Evans ar ei llwyddiant ysgubol yn yr etholiad ar Fai 1af ar ennill sedd ar Gyngor Sir Gaerfyrddin. Yn anffodus bydd rhaid hysbysebu am Glerc newydd. Diolchwyd hefyd i Fioled Jones am flynyddoedd o wasanaeth diflino dros yr ardal.

Dewiswyd swyddogion am 2008-09: Cadeirydd – Eirug Thomas, Is-Gadeirydd – Tom J. Jones.

Cafwyd gwybodaeth fod cais am godi tŷ gerllaw i Greenfield Terrace wedi ei wrthod.

Penderfynwyd gadael y golau ymlaen drwy'r nos ond ail drafod ymhen blwyddyn.

Y mae angen peintio y tu allan Tŷ Hêrs ac fe wneir ymholiadau beth yw'r anghenion.

Gan fod angen cadwraeth ar frys yn Ysgol Llanllwni, penderfynwyd rhoi cyfraniad sylweddol tuag at y gwaith.

Hysbysebu am glerc newydd – rhaid gwneud cais drwy lythyr i'r Cadeirydd Eirug Thomas, Ffynnon Newydd, Llanllwni cyn y 15fed o Fehefin.

Diolch

Dymuna Davy, Murmur y Coed ddiolch o galon i'r teulu, cymdogion a ffrindiau am yr holl gardiau, rhoddion ariannol ac anrhegion a dderbyniodd ar achlysur ei benblwydd yn 90 oed.

Llongyfarchiadau

Llongyfarchiadau i Danielle Jones, Wig-y-Wern, ar gipio yn ddiweddar y fedal efydd am saethu â phistol ym Mhencampwriaeth Agored yr Alban a'r fedal aur yn yr gamp ym Mhencampwriaeth Agored Lloegr ar safon merched ac ieuencid. Dymunwn yn dda iddi mewn cystadlaeuaeth ar gyfer detholion yn y Weriniaeth Siec ym mis Mehefin ac ym Mhencampwriaeth y Chwe

Gwlad yn yr Almaen.

Mae Danielle sy'n gyn-ddisgybl yn Ysgol Gynradd y pentref, wedi cyrraedd y safon disgwyledig er mwyn cystadlu yn Chwaraeon Ieuencid y Gymanwlad yn Pune, yn India ym mis Hydref yng nghystadlaeuaeth y pistol awyr 10m. Mae ar bigau'r drain ar hyn o bryd yn gobeithio y caiff y cyfle i gynrychioli Cymru unwaith eto. Pob hwyl iddi yn y dyfodol.

Ysgol Llanllwni

Bu 8 o blant o'r Adran Iau am benwythnos yng ngwersyll yr Urdd, Llangrannog. Cafwyd amser da yn gwneud gwahanol weithgareddau a chwrdd â ffrindiau newydd.

Aeth Trip yr Urdd i'r ganolfan treftadaeth yn Llangrannog. Clywsom stori Branwen cyn cael cyfle i wneud amrywiaeth o weithgareddau. Roedd yn rhaid stopio yn Mhencader ar y ffordd adre i gael swper. Mwynheuodd pawb mas draw.

Cafodd plant yr ysgol wahoddiad i fynd i Ysgol Carreg Hirfaen i fod yn rhan o 'Colourscape', sef gweithgareddau yn ymwneud â lliwiau. Cawsom weld fel mae lliwiau yn effeithio arnom.

Bu tîm o'r Adran Iau yn cystadlu yng ngemau potes yr Urdd, Cylch Llambled, yn Ysgol Cwrtnewydd, brynhawn Llun Mai 12fed. Bu'n brynhawn hwylus iawn gyda nifer fawr o dimoedd yn cymeryd rhan.

Croeso i Miss Heulwen Williams atom. Mae Miss Williams yn fyfyrwraig yng ngholeg y Drindod, Caerfyrddin ac yn gwneud chwe wythnos o ymarfer dysgu yn nosbarth y Babanod. Gobeithio byddi yn mwynhau'r profiad.

Bu Lowri Rees o Ysgol Pantycelyn, Llanymddyfri yn yr ysgol yn gwneud wythnos o brofiad gwaith yn y caban. Gobeithio dy fod wedi elwa o'r profiad.

Bu'r Adran Iau i Aberaeron am ddiwrnod yn gwneud gwaith daearyddiaeth ar gymharu ardaloedd.

Mae Cymdeithas Rhieni, Athrawon a Ffrindiau'r ysgol a'r Ysgol Feithrin wrthi yn trefnu'r Diwrnod Hwyl a fydd yn cael ei gynnal ar ddydd Sadwrn, Mehefin 28ain. Fe fydd yna weithgareddau a stondinau i ddiddori'r oedolion a phlant. Croeso cynnes i bawb ymuno yn yr hwyl.

Llanfair

Diolch

Hoffai Jonathon Evans, Llanfair Fawr, ddiolch o galon am yr holl ddymuniaid da mae wedi dderbyn oddi wrth ei deulu a'u ffrindiau y misoedd diwethaf, ar ôl ei ddamwain ar y cae rygbi. Mae'r goes yn gwella yn ara bach diolch i'r nyrsus a thriniaeth ffysio mae wedi dderbyn yn meddygfa Llambled.

Gwellhad

Da yw clywed fod Billy Evans, Noyadd, wedi gwella ar ôl ei salwch.

Llongyfarchiadau

Hoffai bobol Llanfair longyfarch y Cyngorwr Odwyn Davies ar gael ei wneud yn gadeirydd pwyllgor Sir Ceredigion.

Helfa Drysor

Cynhaliwyd Helfa Drysor ar Nos Wener, 16eg Mai, wedi ei threfnu gan Alex a Lyn, Awelon. Cymerwyd rhan gan saith car a chafwyd noswaith hwylus iawn gyda theulu'r Quans yn ennill. Gorffennwyd y noson yn y Fishers Arms gyda swper da.

Sefydliad y Merched

Roedd Sefydliad y Merched, Llanfair, yn falch iawn o gael cadw y Cwpan Cynnyrch yn y rali a gynhaliwyd ar ddydd Iau, 15fed o Fai. Dyma y ennillwyr: PIZZA: 3ydd Elaine Coombes, Penlanmedd. WYAU 'SCOTCH' 2il Elaine Coombes, PYBYR WEDI STWFFIO: 1af Liz Mercer, Gelli ac yn 2il, Paulaa Barker, Tŷ Coch, LLYSIAU a CNAU RHOST: 2il Paula Barker, Tŷ Coch. CASYN I FFON SYMUDOL: 2il Iris Quan, Blaencwm, RHAFF CLOCH: 1af Iris Quan, Blaencwm. LLUN DONIOL GYDA TEITL: 1af Katy James, Pandi. POSTER I ARDDANGOS GELF: 2il Elaine Coombes ac yn 3ydd Liz Mercer. FAS O FLODAU HEULWEN: 1af Eleanor Evans, Nantymedd. Llongyfarchiadau cynnes iddynt i gyd.

Mae Sefydliad y Merched ar hyn o bryd yn rhedeg cwrs yn y neuadd ar blethu breddau a taseli.

Bydd Sefydliad y Merched Mis Mai yn cwrdd yn stiwdio crochendy Dodie a Jamie, Nantfelin.

Bydd y Picnic Blynnyddol yn cael ei gynnal ar ddydd Iau, Mehefin 26ain ym Mlas Gorwydd. Diolch i Julia a David Schoon.

Cydymdeimlad

Hoffem estyn ein cydymdeimlad i Yolanta, Panteg ar golli ei mam, Mrs Leila Kazimiera Kaazmierezak yn 82 oed. Roedd ei mam yn dod o wlad Pwyl ac wedi gwasanaethu yn y gwrthsafiad Pwylaidd yn ystod yr ail ryfel byd, pam oedd yn ferch ifanc. Roedd wedi bod yn byw yng Nghymru gyda Yola ers rhai blynnyddoedd bellach.



Rhestr o hen dractorau o flaen y Bell Vue, Llanllwni ar ôl taith nodedig tuag at Ambiwylans Awyr Cymru.



Cegin llawn sglein – ‘Siocled’.

Pwy sydd ddim yn hoffi siocled? Darnau swmpus o faryn mawr, neu siocled unigol o focs hyfryd ar ddiwrnod arbennig. Ond am wledd, ewch â'ch siocled i'r gegin, toddwch e, coginiwch ag e, cymysgwch e neu gratiwch e. Dyma i chi rai o'm hoff rysetiau sy'n defnyddio siocled, - y dasg anodda i chi fydd penderfynu pa un gaiff eu coginio gyntaf.

Mwynhewch, *Gareth*.

Siocled ‘Browni’

Cynhwysion.

- 150gm 5owns o siocled
- 110gm 4owns o fenyn
- 225gm 8owns o siwgwr mân
- ½ llond llwy de o fanila
- 3 ŵy
- 75gm 3owns o flawd plaen
- 1 llond llwy de o bowdwr codi
- 100 gm 3½ owns o gnau pecan neu gnau ffrengig (walnuts)
- 1 pecyn o ddarnau siocled (Chocolate chips).

Dull

1. Trowch y ffwrn i 170°C 325°F Nwy 3
 2. Toddwch y siocled a'r menynd mewn basn dros ddŵr berw. Tynnwch o'r gwres a chymysgwch y cyfan nes yn llyfn. Gadewch i oeri.
 3. Yn ysgafn curwch y siwgwr, fanila a'r wyau; ychwanegwch y siocled gan dal i gymysgu nes bod y cyfan yn llyfn.
 4. Gwasgrwch y blawd a'r powdwr codi dros y cyfan; cymysgwch, ac ychwanegwch y cnau.
 5. Arllwyswch i dun, a gwasgarwch y darnau siocled dros y cyfan.
 6. Coginiwch am 40 munud a thorrwch yn ddeuddeg darn.
- Gall neb wrthod y bisgedi ffres yma!*

Bisgedi darnau siocled.

Cynhwysion.

- 100gm o gnau cyll glân (Skinned hazlenuts)
- 175gm 6 owns menynd
- 175gm 6 owns siwgwr mân
- 2 ŵy
- 100gm 3½ owns siocled plaen
- 175 gm 6 owns fflwr plaen

Dull

1. Torrwch y menynd yn ddarnau a'u rhoi gyda'r siwgwr yn y prosesydd bwyd. Hufenwch yn ysgafn. Ychwanegwch yr wyau.
2. Torrwch y cnau yn fân, a'r siocled yn giwbiau, ac ychwanegwch yn araf wrth i'r prosesydd redeg ar gyflymder araf.
3. Ychwanegwch y fflwr a'i gymysgu'n ysgafn.
4. Defnyddiwch llwy fwrdd i roi'r gymysgedd ar dun pobi; gwasgwch y toes ychydig. Pobwch am 12 i 15 munud ar wres 200°C 400°F Nwy 5. Gadewch i oeri.



Cegin Gareth
Goedwig
Llanbedr P.S.
SA48 7JP
01570 422 313

Blodau
Cacennau
Dathliadau
Partion

Gwefannau Cymunedol Lleol:

Capel Bethel Parcyrrhos: www.bethel.btik.com
Clwb Rygbi Llambod: www.clwbrygbillambod.org
Côr Cardi-Gân: www.corcardi-gan.com
Côr Merched Côrisma: www.corisma.btik.com
Llanllwni: www.llanllwni.co.uk
Llanybydder: www.llanybydder.org.uk
Menter Llambod: www.lampeter.org
Papur Bro Clonc: www.clonc.co.uk
Plwyf Llanwenog: www.plwyfllanwenog.com
Prifysgol Cymru Llanbedr Pont Steffan: www.llambod.ac.uk
Y Ford Gron Llambod: www.lampeterroundtable.org.uk
Ysgol Carreg Hirfaen: www.ysgolccc.org.uk/hirfaen
Ysgol Ffynnonbedr: www.fffynnonbedr.ceredigion.sch.uk
Ysgol y Dderi: www.ydderi.ceredigion.sch.uk
Os am ychwanegu at y rhestr, anfonwch ddolen at cadeirydd@clonc.co.uk

Colofn Dylan Iorwerth

Gorfod talu am ffordd o fyw

Roedd yna jôc fach slawer dydd am y cerbyd modur sy'n cael ei enwi yn y Beibl – yn y fan yr aeth yr Iesu.

Heddiw, yn bendant iawn, ar yr ebol asyn y byddai o a phawb arall yn mynd. Yn enwedig pe bai'n byw yng nghefn gwlad Cymru.

Ychydig flynyddoedd yn ôl, roedd yna brotestio mawr pan gododd pris petrol tros tuag 80 ceiniog y litr. Bellach, mae bron 50 ceiniog arall yn ddrutach a, than orymdaith lorïau diwedd Mai, doedd fawr neb wedi cynyrfu'r dyfroedd. Nid dyna'r unig beth anodd ei ddeall. Mae'r rheswm tros y cynnydd yn y pris yn ddiregelwch hefyd heb na phrinder mawr na mwy o ryfel nag arfer i achosi'r broblem.

Er bod rhai'n sôn am y cynnydd mewn galw am olew yn China ac India, dydi hynny ddim yn ddigon i egluro'r prisiau dychrynlyd. Yr esboniad arall posib ydi un o felltition mawr y byd modern – gamblwyr y marchnadoedd arian.

Dyma'r bobol sy'n ennill *bonuses* anferth am chwarae gyda siariau a morgeisi a gwerth arian. Bellach, am fod y pethau hynny mor ansicr, mae'n ymddangos eu bod yn gamblo ar olew.

Wrth iddyn nhw brynu'r casgenni er mwyn gwneud elw, mae'r pris yn codi trwy'r amser, a ni sy'n gorfod talu. Un o'r ychydig rai eraill sy'n gwenu, wrth gasglu'r dreth betrol a'r dreth ar werth, ydi ein Canghellor hoff, Mr Darling.

Efallai fod ambell ymgyrchydd 'gwyrd' hefyd yn hapus, gan feddwl y bydd y pris yn ein gorfodi i ddefnyddio llai ar ein ceir. Ond mae'n anodd yng nghefn gwlad.

Mae ein bywydau ni i gyd bron wedi eu trefnu o amgylch y car. Diolch i'r cynllunwyr a natur busnes y dyddiau yma, mae angen car i wneud popeth bron - hyd yn oed i fynd i'r llythyrdy yn Llanbed. Dydi'r We ddim yn ateb chwaith – mi allwch archebu'n electronig, ond rhaid delifro trwy'r post neu mewn fan fach wen.

Gyda gwaith a'r prif wasanaethau bellach wedi eu canoli'n benna' ar drefi mwy fel Caerfyrddin ac Aberystwyth, mae'n rhaid teithio o hyd ac o hyd, heb ddim trafndiaeth gyhoeddus o werth.

Tra bod ceir ar yr hewl, dydi beic chwaith ddim yn ateb diogel ac mae angen nerfau cryf i gerdded hyd rai o'r priffyrdd, lle mae troadau neu rannau cul. Mae ffyrdd a cherbydau modur yn rhyddhau a chaethiwo'r un pryd.

Hyd yn hyn, felly, ryden ni'n dal i yrru cymaint ag erioed. Ond a ddaw newid mawr? A fydd rhaid i ni yn y diwedd newid ein patrymau byw? A fyddwn ni'n fodlon gwneud hynny?

Yr hen batrwm a ddaeth â channoedd i Gapel y Groes ar benwythnos cynta' mis Mai – hanner y tu mewn a'r hanner arall ohonon ni yn rhesi duon ar fin y ffordd y tu allan.

Er ein bod yno i ddathlu'r cof am fywyd Wendy Wyn, doedd dim cuddio'r tristwch dwfn chwaith. Yn gymysg â hwnnw, roedd parch a rhyfeddod at y ffordd yr oedd hi wedi ymladd ei hafiechyd heb adael i'r frwydr ei llethu.

Ymhlith y gynulleidfâ, roedd aelodau Merched y Wawr Llanybydder y buodd hi yn eu cwmni ac yn dal i'w hysbrydoli hyd at y dyddiau ola'. Canu dan deimlad yr oedd côr Lleisiau'r Werin hefyd ac un o'r lleisiau ar goll.

Ar adegau fel hyn, mae angladd yn fwy na thalu'r gymwynas ola'. Mi fydd cymdeithas yn dod at ei gilydd, fel petai pawb yn gwybod na fedrwn ni fforddio colli rhai fel Wendy, heddiw yn fwy nag erioed.

A ninnau'n sefyll ar ymyl yr hewl yno, yn clustfeinio ar y gwasanaeth ac yn ysgafn-ganu'r emynau, fe ddaeth car heibio a phlentyn bach tua'r pedair oed yn y sedd gefn.

Wrth weld rhes o bobol, heb ddeall yr arwyddocâd, fe wnaeth y peth greddf, naturiol a chodi ei llaw a gwenu. Wrth gofio athrawes a mam, rhywsut, roedd yn gweddu'n berffaith.



Dol-Mebyd
Pencarreg
Llanybydder

Annwyl blant,



Sut ydych chi? Gobeithio eich bod chi i gyd yn go lew. Mae'r hen Lincyn Loncyn bach newydd ddod nol o Eisteddfod yr Urdd. Dim cystadlu eleni – ges gam yn yr Eisteddfod Sir.

Braf gweld bod sawl un ohonoch wedi mentro rhoi bach o baent ar bapur y mis hwn eto. Mae clod fel arfer yn mynd i Sioned Fflur o Llanybydder a Miriam Butcher o Gaerdydd, ond yn dod i'r brig y mis hwn mae Lleucu Berwyn o Hafod, Ponthirwaun, Aberteifi.

Da iawn a llongyfarchiadau mawr i chi gyd.

Cofiwch roi cynnig ar liwio llun y mis hwn.

Hwyl



Enw:

Cyfeiriad:

**Enillydd
y mis!**

**Lleucu
Berwyn**



Mae Toriad Taclus
Wedi newid siop
Mae ar Heol Caerfyrddin
Ger y Sgwâr Top

Ffoniwch Catrin ar 01570 481425

**COMPASS
OFFICE
SUPPLIES**

Am eich holl
ddeunydd swyddfa

Uned 19, Stâd Ddiwydiannol
Llambod, Heol Tregaron,
Llambod.

☎ 01570 422955
☎ 01570 422232

Mwnci ffwnci

Brodweithio
a Phrintio Dillad.
Darparu
Dillad Gwaith
a Hamdden.

**Sioned Green
a Mared Jones**
Nantgwyn,
Heol Llanfair
Llambod

☎ 01570 423135

☎ 07811917799 /

07968821035

✉ mwnciffwnci@hotmail.com

Ymgynghorwyr Yswiriant

Eryl Jones

Beth am gysylltu â ni am amcan-bris
i'ch holl anghenion yswiriant?

Car, lori, fan,
beic modur

Yswiriant tŷ/
cynnwys

Teithio

Fferm a busnes

Cyfrifoldeb

Anifeiliaid

Polisiau Cystadleuol i bob math o yswiriant,
cyngor a chefnogaeth yn rhad

Swyddfa'r Hen Fanc, 6 Stryd Fawr
Llanbedr Pont Steffan, SA48 7BA

Ffôn: 01570 422401

Ffacs: 01570 422562

Authorised & Regulated by The Financial Services Authority

Cymanfaoedd...



Y plant a fu'n cymryd rhan yng Nghymanfa Ganu Bedyddwyr Cylch Caio a Llambled ym Methel Cwm Pedol gyda'r arweinydd Carys Lewis a Janet Evans a fu'n hyfforddi'r plant.



Plant Ysgol Sul Bethel Parcyrhos a Thyngwndwn Felinfach a fu'n cymryd rhan yng Nghymanfa Ganu Annibynwyr Llambled a'r cylch yng Nghapel Soar Llambled gyda'r arweinydd Carys Lewis a'r Llywydd Dr Rheinallt Davies.

Carnifal Cwmann yn 50 oed



David Morgan yn coron'r frenhines ac Eric Williams yn coroni brenhines y rhosyn.

Llywelyn James, Shona Farnall, Natalie Jones, Mari Lewis, Kiri Douglas a Daniel Jones



Y Fflot orau - 'Pic a Mics' yn dathlu 15 mlynedd Euro Disney.



Cymeriad gorau dan 16 - Mali Jones



Cyntaf dan 12 - Morgan Lewis.



6-8 oed - 1 Becci Harrison; 2 Llion Herbert, cydradd 3 Rebecca Heath a Cari Jones.



Recycling Ltd



Angen Sgip?
Diwydiannol, Masnachol
neu i'r cartref.
Sgip i bob pwrpas
Rhowch alwad i ni
ar **01570 421421**

Ffordd Tregaron, Llambled, Ceredigion, SA48 8LT



Tîm pêl-droed Teifi Girls yn ennill yr ail wobwr mewn twrnament yng Nghilgeti gyda'r hyfforddwyr Kelvin James a Colin Thomas.

Profiadau newydd...



Colourscape ar ymweliad ag Ysgol Carreghirfaen, Cwmann.



Gêm bêl-droed ieuencid Llambed yn erbyn St Germain sur Moine fel rhan o benwythnos yr efeillio.



Disgyblion ac athrawon Ysgol Ecole Pierre a Marie Curie o St Germain sur Moine, Ffrainc ar ymweliad a disgyblion Ysgol y Dderi.